

ISIDORI

HISPALENSIS EPI-
SCOPI, ἀνθρώπου καὶ λόγου, ID EST,
Hominis & Rationis, Dialogus.

¶ EIVSDEM SOLILOQVIA.

Opusculum, me Hercule, Christianæ pietatis
vitæq; formam succincta ac commoda
breuitate complectens: quantitate
quidem paruum, verum infor-
mationibus sanctis, ma-
gno æstimandum.

¶ Nunquam ante hac excusum.



COLONIAE,
Iohannes Praël excudebat
Anno. M. D. XXXII.



15. C. 47

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

12th Nov 1871

RELIGIOSAE AC

PIAE IN CHRISTO CATHARI-

nae Herrel, Dominae ac Magistrae, itemq; venerandae

Elizabeth Bestoltz Priorissae, nec non vniuersis casti-

tatis puritate conspicuis virginibus, Monasterij San-

cti Maximini in Colonia, filiabus suis in Christo

charissimis, Iohannes Volscius Lunen.

earundem Rector humilis, pieta-

tem exoptat Christianam.



OLVENTI ORDINAN-

tisq; mihi, Religiosa in Christo Do-

mina, veneranda Priorissa, ac vni-

uersae virgines charissimae, Rector-

um vestrorum meorumq; antecesso-

rum Monasterio vro varios suc-

cessiue relictos libros, in manus meas obiter incidit,

pulpito cuida inclusus, in pergameno antiquissimis

characteribus conscriptus libellus, cui Titulus est, Li-

ber S. Isidori Epi: in quo loquitur Homo & Ratio.

Qui profecto libellus vt adparuit prima fronte abie-

ctissimus, ita mihi penitus introspectanti, videbatur

pietissimus, simulq; elegantissimus. Quippe in quo

veluti dialogo, duae personae, nempe Homo lamen-

rans, & Ratio admonens salutifero fruuntur alloquo.

Præter enim ingenuam hominis seipsum agnoscetis

deplorantisq; confessionem, nec non piam Christia-

namque Rationis ad optima hortantis admonitio-

nem, luculentissimam, elegantissimā ac vberriamam

in eo deprehendetis rer; verborumq; copiam. Cuius

A iij rei

EPIST. DEDICATORIA.

rei vel solius gratia iniquissimū fore duxi, si iste S. Isidori Epī in duo opuscula distinctus libellus, vestrarū charitatum cæterorūq; piorū & studiosorū hoīm diutius subtraheretur aspectui & lectioni. Ob admirandam etiā Christianę religionis frugem pietatēq; quibus scater, tametsi null⁹ adesset verborū lepos sermo nī sue venustas, in lucem tñ Enchiridij forma emitti, propter pia q̄ in eo continentur ad virtutē sectandā, horramenta, mihi dign⁹ videbatur. Isidorus siquidē iste, Iunior cognominatus, Hispalen̄. post Leādrum Ep̄us, B. Gregorij Papæ discipulus, vir in diuinis scripturis eruditiss. & in secularibus literis nulli suo tpe secundus, ingenio subtilis, sensu clarus, eloquio cōpositus, non minus sanctitate ac miraculorū varietate q̄ doctrina insignis effulsit. Cæterū charissima in Christo domina ac virgines, nemo hominum sese mihi q̄ vestre charitates, prius obtulit, cui decentius ac commodius hosce in vestris edib⁹ reptos dicarē libellos. Quippe q̄ nedum in Regulę D. Aur. Augustini Antistitis vestri ac constitutionū vestrarū diligenti obseruantia sitis occupatissimę, verū etiam in sacrorū atque adeo piorū librorū lectione attentissimę. Accipite itaque placido ac benigno vultu hosce duos S. Isidori Epī libros, vestro potissimū auspicio ē tenebris in lucem editos: atq; in mille exēplaria per Io. Praël Suerthen̄. vestrum vicinū, Chalcographum, meo hortatu ac opera arceis typis excusos. Quorū sanē assidua atq; tentatq; lectione, procul dubio efficiemini meliores. Id qđ vestris charitatibus p̄stare dignetur ille, qui est oīm opt. maximusq;. Valete ex ædibus vestris S. Maximini. Colonia, Anno à Christo nato 1531. Idibus Decembribus.

IN OBITVM VENERABILIS AC EGREGII VI-

ri, Domini Rutgeri Suederi Lunenſis. Eccleſiæ ad gra-
dus Marię Canonici, & Monasterij S. Maximi-
nij in Colonia Reſtoris, dũ vixit, vigilan-
tiſſ. in cuius bibliotheca iſte Iſidori
liber repertus eſt, A. V.

Epitaphium.

Cur lachrymas fundiſ triſti circumdata palla?
Nõne aliquẽ deſleſ mœſta Camęna virum?
Ah ſleo Rutgerum Suederi ſcilicet illum,
Olim Lunenſis quem generauit ager.
Qui magno caluit ſtudio pietatis in omnes,
Quos miſerę vitę rædia multa grauant.
Conſilio vaſtrum, morum grauitatẽ ſerendum,
Quem iuueniſ timuit, quem coluere ſenes.
Quam tenet inuiſtus nitidam Laurentius ædem,
Hanc vigili rexit ſedulitate diu.
Illius ac ædis, gradibus quæ nomen ab altis
Seruat, Canonicus dignus honore fuit.
In qua diuini cumulauit munia cultus,
Et larga immodica præſtitit æra manu.
Ornauit ſacram dulci modulamine lucem,
Quæ deuotæ Helenes annua feſta reſert.
Sancti virginea Maxmini habitata cohorte
Septa gubernauit, Reſtor vbique vigil.
Et licet immani ſquiret fraude Lutherus,
Ipſe tamen placida præfuit arte gregi

A. in Enſub.

En subuecta chori validis structura columnis,
Huius præcipuam testificatur opem.
Cui nisi Parca ferox rupisset stamina vitæ,
Altera pars templi iam reparata foret.
Non es rectorem talem visura secundum
Candida virginici turba sodalitiij.
Ergo dum celeri tumulum pede comprimis, ora
Vt superis adsit mens sociata choris ^{† a. l. satiata}

FINIS.



ISIDORI HISPALEN. EPI-
scopi in Dialogum suum ac Soliloquia,
P R A E F A T I O.

VENIT NVPER AD MANVS ME
as quædam schedula quam synonymā dicūt:
cuius formula persuasit animo quoddam lamētum
mihi vel miseris condere. imitatus profecto nō eius
operis eloquium, sed meum vorum. Quisquis ergo
es, libenter id perlege: & dum aduersitatibus mundi
tangeris, te ipsum censorio iudicio discute: & statim
agnosces, quia quascunq; afflictiones pateris in hoc
seculo, retributione tibi iustissima inferuntur in futu-
ro. Duorum autem personæ hic inducuntur, deslen-
tis Hominis & admonentis Rationis.

Isido

ISIDORI HI-
SPALENSIS EPISCOPI
DIALOGVS.

¶ HOMO.



ANIMA MEA IN ANGV-
stijs est, spiritus meus estuat, cor
meum fluctuat, angustia animi
affligit me, circumdatus enim sum
malis, circumseptus ærumnis, cir-
cumclusus aduersis, obsit^r mise-
rijs, opertus infelicitate, oppres-

sus angustijs. Non reperio vspiam tanti mali perfu-
gium, tanti doloris non inuenio argumentum, eua-
dendæ calamitatis indicia non comprehendo, minu-
endi doloris argumenta non colligo, effugiendi fu-
neris vestigium non inuenio. Vbique me infelicitas
mea persequitur, domi, forisq; me calamitas mea nō
deserit, vbicunq; me conuertero, malorum meorum
me vmbra comitatur. Vbicunque fugero, mala mea
insequuntur, velut vmbra corporis: sic mala mea
fugere non possum. Ego ille homo ignoti nominis,
homo obscuræ opinionis, homo infirmi generis, co-
gnitus pro me tantum, cognitus tantum mihi. Nulli
vnquam malum feci, nulli calumniatus sum, nulli ad-
uersus extiti, nulli molestiā intuli, nulli inquietus fui,
sine vlla querela apud homines vixi. Vitam meam
lædere homines nituntur, omnes contra me frendēte
A iij atque

atq; insaniunt: conferta manu in me pericula ingerunt, ad exitium me protrahūt, ad periculum me adducunt, ad discrimen vocant meam salutem. Nullus mihi protectionem præbet, nullus defensionem adhibet. Nullus adminiculū tribuit, nullus malis meis succurrit, desertus sum ab omnibus. Quicumq; me aspiciunt, aut fugiunt, aut fortasse me persequuntur. Intuētur me quasi infelicem, nescio quæ loquuntur mihi dolo verbis pacificis, occultam malitiam blandis sermonibus amant, aliud ore promunt, aliud corde volurant, opere destruunt quod sermone promittunt. Sub pietatis habitu animo venenato incedunt, velant malitiam fūco bonitatis, calliditate simplicitatem occultant. Amicitiam dolo simulāt, ostendunt vultu quod in corde non gestant. Cui credas, cui fidem habeas, quæ fidei proximū sentias? Nullus habere fidem nouit, vbiq; iam fides periit, fides ablata est, fides nusquam tuta est. Si legitimum nihil est, si veritas iudicij nulla est, si æquitas abijcitur, si ius non creditur, si iustitia cunctis negatur, pereunt leges auaritia iudicante, cupiditatis amore iura nihil valent. Præmia & dona legibus vires tulerūt, vbiq; pecunia vincit, vbiq; venale iudiciū est. Nullis legibus merus, nullus iudicij timor est, impunita manet male viuēdi licentia. Nemo peccantibus contradicit, nec scelus vlciscitur quisquam. Omne crimen inultum manet, iniqui salui fiunt, probi pereunt. Boni indigēt, improbi abundant. Scelerati potentes sunt. Iusti egent, iniqui lætantur. Iusti in mœrore & luctu sunt, iniqui honorantur. Iusti deijciuntur, nulla re impediēte, nulla cau

D I A L O G V S.

In causa, nulla criminatiōe, nulla malitia. Crimen mihi obijciunt, crimen mihi impingūt, criminis nodos contra me nectunt, criminis & suspicionis locum in me conuertunt, in crimen periculumq; me deducūt. Obijciunt mihi crimen cuius non habeo conscientiam. Nihil exploratum est, nihil patefactum est, nihil inuestigatum est, nihil repertū est. Non tamen quiescunt aduersum me mala confingere, non quiescunt falsa testimonia præparare, non desinunt accusatores obijcere, iudices non sinunt conscribere. Testium & iudicum falsa & crudeli sententia iudicor, testium falsa sententia ad necem innocens ducor. Ex eodem concilio testes, ex eodem conciliabulo iudices, ex eodem cœtu accusatores. Improbos iudices opponūt, falsos testes obijciunt, iniquorum confidētia est. Nemo ab illis dissentit, nemo discordat, nemo consilium eorum repudiat. Cui dicam, quem adcam, à quo consilium petam, in q̄ animum meum ponam? Omnibus odiosus sum, omniū charitate desertus sum. Proiecerunt me omnes à se, abominationem mei omnes minantur. Inhorrescunt me omnes, repudiāt omnes, abdicationem intendunt. Volo ad eos cōfugere, sed minantur. Cupio eorum deprecari vestigia sed fugiunt, aduersantur & odiunt. Supplicando propitios eos habere volo, illi autem magis molesti fiunt. Interdum se adiungunt ficta charitate, non ad consolationem, sed ad tentationem. Loquuntur: & si tacēt, non est simplex silentium. Querunt qui audiant, querunt qui prodeant, explorant vnde decipiāt. Ego autem reclinato capite, humiliato vultu, deposita facie

A v filco

fileo, taceo, in cœpto persisto silentio: Ori meo
 custodiam posui, ori meo signaculum dedi, vo-
 cem à sermone repressi, linguam à locutione restrin-
 xi. Etiam de bono interrogatus taceo. Malui enim
 reticere, quàm improbis respondere. Illi autem non
 quiescunt, illi amplius sçuiūt, percussum amplius per-
 sequuntur. Magis magisque irruunt super me. Obstre-
 punt etiam super me clamoribus, iactant in me peru-
 lanter conuitia, voce, ambitu, strepitu super me profi-
 liunt, in voce aperta, cōtumelias & opprobria super
 me iactant: Ab alio prouocati, ad me oēs arma con-
 uertunt, omnes in me sæuiunt, omnes in exitio meo
 intendunt, omnes in mortem meam manus suas præ-
 parant. In tanto ergo metu, in tanto pauore, tāta for-
 midine cōtabui miser: pallui miser: exanguis effectus
 sum: emarcuit cor meū. Pauore gestuo, formidinis me-
 tu tabesco: timor & tremor animā meā q̄ssauerunt.
 Si exilio transmissus sum, si exilio dānatus sum, si exi-
 lij pœnam lugeo, si damnationem exilij gemo, vin-
 culo seruitutis addictus, conditionis pondere pres-
 sus, seruili opere mancipatus, in algore, in niue, in fri-
 gore, in tempestatibus terris positus, in oīni labore,
 in omni periculo, post damna bonorum, post amissi-
 onem omnium rerum inops & pauper effectus, egeo,
 mendico, publicam posco alimoniam. Nemo egen-
 ti manum porrigit: omnes mendicantem spernunt:
 esurientem nec micis suis reficiunt. In hoc sitiētī, nul-
 lus stillat guttam refrigerij, nullus mihi p̄bet vel mo-
 dicum vnde rorem. Effectus sum enim cunctis ab-
 ominabilis: omnes vt huiusmodi contemnunt, vt
 scien

D I A L O G V S.

ferentem expuunt, vt leprosum tangere horrent. Iacet caro adstricta ferro, iacet pressa catenis. Iacet ligata vinculis. Iacet vineta compedibus. Nō desunt tormenta, non desunt cruciamēta, non sunt minus supplicia, q̄tidie crescunt in me scuitia corporis mei. Carnifices nouis me carceribus lacerant, inaudito genere pœnarum viscera mea & membra dilaniant. Quicquid possunt, super me crudele excogitant. Mille pœnis extortus, mille subactus tormentis, mille laceratus supplicijs. caro mea plagis secta computruit, semiusta latera saniem fundunt, lacerata mēbra putredinem defluunt. Cum fletib⁹ sanguis manat, cū lachrymis cruor stillat: non est solus fluor lachymarum sed vulnorum. Cōsummatum sum in dolore miser, in dolore animus & corpus defecit, mens iam victa est, anima dolore præclusa est. Multa acerba sustinui, multa grauiā pertuli: tam graue & crudele vulnus nunq̄ excepi. Inopinato vulnere oppressus sum, momentaneo interitu percussus sum, improuissum me in tantis malis calamitas vitę coniecit: ignorantem oppressit subito calamitas: repentini interitus casusq̄ me subruerunt. Cur infelix natus sum? cur in hanc miseram vitam proiectus sum? Vt quid miser hāc lucem vidi? vt quid misero huius vitę ortus occurrit? Vtinā ocyus egrederer à seculo quamlibet fessus, quāq̄ iam ratione recederem. Cupientem mori iam liceret occumbere, viuendi enim mihi tædium est, moriēdi votum, sola mihi mors placet. O mors quā dulcis es miseris, quā suavis o mors amarē viuētib⁹, q̄ iocundæ es o mors tristibus atq̄ morrentibus. Accedat
ergo

ISIDORI

ergo ad vitæ magnum malum mortis grande solati-
um, de fine miseriæ requies sepulturæ: & si non vira,
saltem vel mors misereri incipiat. Mors malorum o-
mnium finem ponit, mors calamitati terminum præ-
bet. Omnem calamitatem mors adimit. Melius est
bene mori, quàm male viuere. Melius est non esse, quàm
infelicitè esse. Ad comparationem miseriæ me-
arum, felicius esse mortuū quàm viuentē. Parcite do-
lori meo quæso parcite, mœrori meo quæso ignosci-
te. Angustiæ meæ veniam date, indulgete meis dolo-
ribus. In tanto dolore contra me commoueri noli-
te. Percussionem meam plango, calamitatem meam
deploro, familiarem cladem miseriæ meæ lugeo. Pla-
ra enim ministrat dolor, non valeo consolari miser.
Impatiens est enim dolor meus, infinitus est mœror
meus: nullatenus lenitur vulnus meū, nullus lachry-
mis meis modus est, nullus doloris finis est, iam nul-
la fiducia est animi, iam ferre nō potest animus, iam
victus miserijs concidit animus.

R A T I O.

Q Vid tantum diffidis animo? cur adeo men-
te debilitaris? cur animo tantū cōfunderis?
quare tanta pusillanimitate deiſceris? quare in aduer-
sis adeo frangeris? Omitte tristitiam, desine tristis es-
se. Tristitiam repelle à te, mœstitiæ noli succumbere.
Nolite multæ dare mœstitiæ: repelle à corde dolorē,
ab animo exclude dolorem. Inhibe impetum dolo-
ris, & non perseueres in dolore: vince animi dolorē,
supera mentis dolorem.

H O M O.

Quia

D I A L O G V S.

Q Valiter, quo pacto, quomodo, quemadmodum, qua ratione, qua arte, quo cōsilio, quo ingenio?

R A T I O.

O Mni opere, omni vi, omni arte, omni ratione, omni consilio, omni ingenio, omni virtute, omni instantia. Sume luctamen contra tēporales molestias, esto in cunctis casibus firmus. Patienter tolera omnia, omnia aduersa æquo animo tolera. Noli singularem conditionem tuam intendere. Nō est sola tua à te considerata calamitas, non est sola tua à te pensanda acerbitas: respice similes aliorum casus, intende miseras eorum quibus acerbi aliquid accidit. Dum tibi aliena pericula memoras, mitius tua portas. Aliorum enim exempla dolorem releuant, alienis malis facilius consolatur homo. Quid incusas acerbissima tua decreta? Quid causas tui periculi tantum luges? Nō sunt noua tua supplicia: habes exempla calamitatis. Quanti tales casus, quanti talia pericula pertulerunt! Patienter ab vno ferendum est, qđ multis accidit tolerabile. Pœna huius vitæ brevis est, & qui affligit & qui affligitur mortalis est. Tribulatio huius temporis finem habet. Trāseunt omnia seculi huius nec pmanent. omne quod venit stare non potest. Nihil est diu, nihil est tam longum quod non in breui finiatur. Habent sub cælo finem suū omnia. Impossibile est vt homo sis, & non gustes angustias. Dolor & tristitia omnibus communia sunt. Omnia euentu simili in hoc seculo sustinemus. Nemo in periculum expers mali est; nemo est qui in seculo non dole-

doleat: nullus est qui in hac vita positus, non suspi-
ret malis. Interpone ergo tibi rationem, pręualeat ti-
bi ratio. Tempera animum ratione, vim tanti mœ-
roris reprimat ratio. Confirmato animo nullum pe-
riculum pertimescis. Oportet nos per multas tribu-
lationes introire in regnum dei: & non sunt condi-
gnę passionēs huius temporis, ad futuram gloriam
quę reuelabitur in nobis. Quod in pręsenti est, mo-
mentaneum est & leue tribulationis in nobis, quod
æternum est, supra modum est pondus excellens glo-
rię. Vtilis est tribulatio, vtilēs sūt vitę huius pressu-
rę. Malorum prauitas non te occidit sed erudit: pra-
uorum aduersitas non te deijcit, sed extollit. Huma-
na tentatio arguit te, non interficit. Quanto enim in
hoc seculo frangimur, tanto in perpetuū solidamur:
& quanto in pręsenti affligimur, tãto in futuro gau-
debimus. Si hic flagellis atterimur, purgati in iudicio
inuenimur. Semper deus hic vulnerat, quos ad salu-
tem perpetuam pręperat. In fornace probatur aurū
vt sordibus careat: tribulationis camino purgaris, vt
purior appareas: persecutionis igne conflaris, vt pec-
catorum sorde purgeris. Ad probationem sūt ista
omnia quę sustines. Non igitur murmures, non bla-
sphemes, non dicas quare sustineo mala, sed magis
dic, peccaui: vt eram dignus, nō recepi. Aequalē vin-
dictā peccati mei non sentio: minus me percussū q̃
merchabar agnosco. Iuxta modum criminis minor est
retributio vltionis, secūdm meritum peccatorum
dispar est causa pœnarum: non sūt tanta supplicia,
quāta extiterunt peccata. Qui enim in flagellis mur-
mi

D I A L O G V S,

irascitur, deum plus irritat, furorem dei amplius provocat, iram dei indignantis plus sibi exaggerat. Qui vero adversa tolerat patienter, deum citius placat. Si enim vis purgari, in poena te accusa: & dei iustitiā laudat. Ad purgationem tuam proficit, si ea quæ pateris, ad iustitiam dei retuleris. si pro irrogata miseria, humilis deum glorificaveris. Corripit enim te deus, flagello piæ castigationis te arguit, exercet in te disciplinam, & qui parcendo te ad se vocabat, feriendo clamat ut redcas.

R A T I O.

Cogita homo quoslibet mundi cruciatus, intende animo quascunq; seculi poenas, quoscunq; tormentorum dolores, quascunq; dolorum acerbitates: cõpara hoc torum gehennæ, & leue est omne quod pateris. Si times, illas poenas time. Istæ enim temporales sunt, illæ æternæ. in istis moriendo tormenta recedunt, illis moriendo æternus dolor succedit. Si em̃ conuersus fueris, emendatio est quod pateris. Conuersum namq; à peccatis, flagella absoluunt. conuerso instantes plagæ ad purgationem præficiunt. Qui enim hic castigatus corrigitur, illic liberatur. Qui vero non sub flagello corriguntur & temporali poena, damnantur æterna: & in hoc prius iudicantur seculo, & illic denuo in futuro. Hic duplex damnatio est, gemina his percussio est: quia & hic habent initium tormentorum, & illic perfectionem poenarum. Sci-to autem homo nullum tibi aduersari potuisse nisi deus potestatem dedisset: nec habuisset potestatem aduersarius, nisi permitteret deus. Vniversa quæ tibi
acci

accidunt, absq; dei non veniunt voluntate: iniquorū
 potestas super te, ex dei datur licentia. Omnes qui ti-
 bi aduersantur, dei consilio faciunt. Manus dei te ad
 pœnam tradidit: indignatio dei te affligere iussit: ipse
 irritatus, iussit te mala omnia experiri. Nam & quod
 corporis debilitatibus frangeris, quod carnis mor-
 bis afficeris, quod languorū stimulis cruciaris, quod
 passionibus animæ quateris, quod grassante impu-
 gnatione spirituum agitaris, & hoc ipsum pro peccato
 tibi diuina iustitia irrogat. & ipsum pro culpa tibi iu-
 dicij diuini infertur sententia. Omnis enim aduersi-
 tas rerum, delictorum tuorum meritis excitatur: tua
 contra te dimicant arma. Sagittis tuis confoderis, te-
 list tuis vulneraris. Per quæ enim peccasti, per hæc &
 torqueris. sequutus es carnem, flagellaris à carne. In
 ipsa gemes in qua peccasti: in ipsa cruciaris, in qua de-
 liquisti: ipsa tibi est cēsura supplicij, quæ fuit causa pec-
 cati: vnde corruisti ad vitia, inde lues tormēta. Discu-
 te conscientiam tuam, intende mentem tuam, exami-
 na te. Loquatur tibi cor tuum, considera meritum tu-
 um: iuste argueris, iusto iudicio iudicaris. procella ius-
 ta te conterit, iustitiæ pœna te premit. Nihil em̄ bo-
 num agis, nihil rectum, nihil æquum, nihil in te san-
 cti est, nihil pudoris, nulla memoria dignitatis. Quo-
 tidie peccas, quotidie laberis, quotidie præceptis in de-
 terius vadis. Elatio tua non residet. Rapiſ te quoq;
 furor, inflammat ira, clamor excitat, commouet in-
 dignatio. Paratus semper ad iram, supra modum ira-
 sceris: supra mensuram animi furore moueris. Zela-
 re bonis, inuidere melioribus solitus, alienis felicitati-
 bus

D I A L O G V S.

tibus æmulus, alienis virtutibus semper inuidus. Cui
vñquam non detraxisti? Quem non lacerasti? Cuius
non exprobraſti vitam? Cuius non iactaſti infamiã?
Inconſtans, inſidus, auarus, tenax, ſterilis, inhumanus,
infructuoſus. Non eſt in te vlla miſericordia, cecidi-
ſti in concupiſcẽtia ſeculi, defluxiſti in cupiditatibus
mundi. Flagraſ in terrenò amore, congeriſ res peri-
ruras, nescit expleri cupiditatis tuæ ſitis: nouiſ te quo-
tidie peccatĩs inuoluiſ, nouiſ facinoribus vetera au-
ges, non diluiſ ſceluſ, ſed dilataſ: nec ſatiaſ vñquam
flammaſ libidinoſaſ concupiſcentiã. O te infelicem,
nõ te pudet per multas aſpergi libidines? Corruptor,
luxurioſus, adulter, ſi in flagitio perſeueras. Heu quã
diu, quouſq; quẽ ad finem retrahet tam eſſrenata lu-
xuria? Iam tandem peccare quieſce: iam tandem deſi-
ne ab ſcelere: aliquando mōreſ malos cõmuta in me-
liuſ. Noli diu errare miſer: pone peccati finem: pone
legem nequitie: habeat culpa modum: habeat iniqui-
taſ terminum. Delictorũ tuorum conſidera magnitu-
dinem: culpaſ tuas ſaltem vel verberatuſ agnoſce.

H O M O.

HEu me, heu infelicem me, heu miſerũ me: ne-
ſciebam quod pro mea iniquitate percutior:
ignorabam quod pro meo merito iudicor: qđ iſtud
iudiciuſ de mea fuit iniuſtitia. Tu mihi manifeſta-
ſti, tu mihi indicaſti, tu mihi notum feciſti. Per te co-
gnoui quod neſciebam, iam pro certo ſcio, iam non
me lateſ, manifeſtuſ mihi eſt ſatiſ, mihi eſt cognitũ,
perpeſuſ mihi eſt ſatiſ, occultũ iã mihi non eſt, iã nõ
eſt mihi ambiguum, iã non eſt mihi abſcondituſ.

B Ra-

ISIDORI

RATIO.

INde est homo, inde omnis ista calamitas: inde omnis ista acerbitas: inde ista crux: inde ista pœna: inde ista crimina. Ex te natæ sunt causæ peccatorum tuorum. non ex alio casu, nō ex quolibet euentu, nō ex quolibet fortuitu. Istelanguor propriæ culpæ est; ista ægritudo proprię iniquitatis est. An aliter tibi videtur: an aliter deputas: an aliter existimas: an aliter sentis: an aliter iudicas?

HOMO.

Nihil sanè, nihil prorsus, nihil penitus, nihil omnino, nihil habeo quod contradicam: cedo veritati, negare nō possum, fateor esse verum. Quis hoc dubitat: quis istud ambigit: quis istud negat?

RATIO.

Sita est, si certum habes, si perpensum est, si exploratum est, aufer à te iam vitium: crimen remoue à te, à vanitatis te malo coërce: à vitio & peccato te retrahe: fuge iam vitæ maculam, fuge turpitudinem vitæ, puritate vitæ, maculas veteres ablue.

HOMO.

Bene dicis, bene doces, bene instruis, bene admones, bene suades, bene instituis: & ego optabam à peccati nexu resolui, cupiebam à consuetudine mala retrahi, desiderabam à vitio & peccato recedere, quærebam vsum nequissimum superare: sed heu difficile est prauam consuetudinem vincere. Fatuus vsus vix aboletur, assidua consuetudo in naturā conuertitur, assiduo vsu iuuatur vitium. Animus sceleribus adstrictus, diuelli ab eis vix pōt. Tanta sunt meæ
vitia

D I A L O G V S.

vitia, vt vix elui possint: vix credo peccata mea vlllo spatio temporis exolescere. Vltro me miserum ante vitiaui spontaneo me dudum studio pollui, proprio me prius arbitrio perdidi, propria volūtate me maculaui. Bonus eram, sponte mea ad peccatum delapsus sum. Liber eram: sponte mea factus sum debitor mortis. Infelix ego peccatum spōte mihi primus ipse paraui: ego amplius occasionem peccandi amplexus sum. nam peccati vsu adstrictus detineor: mala consuetudo me sepe grauiter implicauit. Lōga cōsuetudo in me ius sibi & legē fecit. Consuetudine peccandi quando nescio, sic delinquo: peccati vsu qm̄ non opto, incurro. Volo agere bonum: sed desideria consueta non sinunt. Prauo vsui contra ire nitōr, sed carnis desiderio aggrauor. Ad iustitiam me amor erigit, sed ad peccatum consuetudo constringit.

R A T I O.

R Elucta contra prauam consuetudinem, contra consuetudinem peccādi tota virtute repugna. Vince vsu carnalē etiam cum dolore quamuis: cum difficultate perniciosam cōsuetudinem vincede. Quamuis cum dolore vsui malo resiste, propone tibi aduersus præsētis carnis ardores, futuri supplicij ignes. Superet æstus libidinis, recordatio æterni incendij. Memoriam ardoris gehennę, ardor metus excludat. Luxuriā fornicationis, pœna grauioris supplicij vincat. Fortior dolor, dolorem minorem exuperat: patiēter leuiora portabis, si grauiora fueris recordatus. Versetur etiam ante oculos tuos imago futuri iudicij: prouide quæ postmodum eris passurus.

B ij Futu

Futuram dei sententiam cogita: futura dei iudicia su-
 per te formida: terreat te gehennæ metus: terreat te
 iudicii futuri sententia: reuocet te pœnarum terror à
 culpa. Vitę tuę quotidie terminum intueri: omni ho-
 ra habeto mortem præ oculis. Ante oculos tuos te-
 nebrarum semper versetur aduentus: de morte tua
 quotidie cogita: finem vitę considera: recole semper
 diem mortis incertum. Esto sollicitus ne subito rapi-
 aris: quotidie dies vltimus appropinquat: vitam no-
 stram dies quotidie aufert. Quotidie ad finem tendi-
 mus: ad mortem quotidie properamus. Ad vitę ter-
 minum quotidie tendimus: momentis decurrenti-
 bus ad finem ducimur. Nescimus quid hodie nobis
 contingat: ignoramus si hac nocte animam cõditio
 mortis reposeat: finis noster nobis absconditus est:
 venturi exitus ignorantia nobis incerta est. Impro-
 uisus est mortis occurfus: incertus est euentus & finis
 omnium. Dum nescimus, repente mors venit: dum
 non existimamus, improuisi tollimur: dum ignora-
 mus, repẽte subtrahimur. Timeamus ne dies illa tan-
 quam fur nos comprehendat: ne nos turbo diuini iu-
 dicii dum ignoramus diripiat: ne nos repentinus in-
 teritus auferat: ne ignorantes subito calamitas com-
 prehendam. Spiritus qui ad peccandum succendit, pec-
 cantem sæpe subito rapit: qui viuentes inflamat, mo-
 rientes subito deuorat: qui inflcctit ad vitia, protra-
 het subito ad tórmenta. Quantos ad pœnam mor-
 tis improuisos exitus rapuit: quanti subtracti subito
 deficiunt: quanti dum mori non existimant auferun-
 tur: quanti ad mortem subito rapiuntur: quanti re-
 pente

D I A L O G V S.

penite ad æterna supplicia deducuntur. Aspice ergo ex alieno tormẽto quod timeas: respice in alieno exitio quod pauescas. Vita foueam in qua vides coram te alium cecidisse: pericula aliena in te pertimesce: alienos casus tua fac esse pericula. Morientis vocatio, tua sit emendatio. Aliorum perditio, tua sit cautio. Retrahat te à peccato impiorum interitus: abstrahat te à culpa, pereuntium pœna: delinquentium finis te corrigit: reproborum interitus te abducat: iniquæ pœna ad salutem tuam proficiat. Quod male fecisti dum potes emenda: dum potes à vitio & peccato te reuoca: dum tempus est clama: dum datur spatiũ luge: dum est licentia penite. Festina dum potes: plange dum adhuc anima versatur in corpore: dum viuus remediũ tibi futurum acquire: priusquã te dies mortis præueniat, priusquam te profundum absorbeat, priusquam te inferus rapiat. vbi iam nullus est indulgentiæ locus, nulla pœnitentiæ patet libertas, nulla correctionis datur licentiã: vbi nullus est ad confessionem recursus, ad veniam nullus regressus.

H O M O.

Verum dicis: narras mihi qđ optimũ est: informas me qđ magis mihi expediat. Ecce scio, noui, didici istud. Illud item quærõ, illud scire volo, illud nosse maxime cupio. Si est spes in confessione, si est fiducia, si est remissio, si est venia, si est indulgẽtia, si est locus per pœnitentiam regredi ad iustitiam.

R A T I O.

EST planẽ, est prorsus, est vtiq;, est profecto, est proculdubio: confessio sanat, confessio iustificat.

B iij car,



rat, confessio peccati veniam donat. Omnis spes in
confessione consistit, in confessione locus misericor-
diæ est. Certissime igitur crede, nullomodo hæsites,
nullatenus de misericordia dei desperes. Habeto spem
in confessione, habeto fidutiam, non desperes salutem,
si ad meliora conuerteris. Qui enim veniam de pec-
cato desperat, plus se de desperatione quàm de com-
misso scelere dānat. Desperatio auget peccatum, de-
speratio est peior omni peccato. Corrige igitur te, &
indulgentiæ habeto spem. Depone iniustitiam & spe-
ra vitam: depone iniquitatem, & spera salutem. Nul-
la tam grauis est culpa, quæ non habeat veniam. Quā-
uis enim peccator sis, quamuis sceleratus, quāuis cri-
minibus infandis oppressus, non denegatur tibi pœ-
nitentiæ locus. Facile pœnitentibus diuina clemētia
subuenit. Per pœnitentiam enim indulgentia datur;
per pœnitentiā delicta omnia abstergantur.

H O M O.

Miserum me, spem perdiderā, fidutiam amise-
ram: diffideram animo, fractus fuerat ani-
mus, in desperatiōe penē conciderat animus. Iam re-
gressus sum ad spem, iam recepi fidutiam: spem indul-
gentiæ iā habeo: de pietate dei spero, de bonitate dei
non dubito: habitabo in spe: crexit me ad spem pie-
tas eius: dedit mihi spem vitæ in pœnitentia. Si deus
igitur respexerit, si in auxiliū mihi accesserit, si ad im-
plendum quod cupio adiuuerit, hoc facere decreui:
hoc statui: defixum hoc animo meo est: euelli hoc ab
animo potest.

RATIO,

Deus

D I A L O G V S.

DEus tibi optata tribuat, deus votis tuis faueat, deus votorum te compotem faciat, de^o voluntatem tuam in bonum pficiat, deus vora tua confirmet, deus votis tuis suffragetur, omnia fauēte deo agas. Ergo age dum licet, dum fors moratur, ora: pete: non taceas, obsecra, erumpe in voce, exclama fortiter, plange iniquitates tuas, mala scelerum tuorum deplora. Quæ prauè gessisti fletibus dele: quæ illicite commisisti lachrymis abluc: ploratu scelera dilui solent.

H O M O.

HEi mihi infelix anima in tantis peccatis, in tantis criminibus, in tam multis iniquitatibus quid primum plorem, quid primum plangam, quem luctum prius, quas lachrymas sumam? Non sufficit referre memoria, tantorū criminū gesta. Peccata quoque mea mihi sensum doloris tulerunt: hebetudine cordis coagulatae sunt lachrymae, obrigit animus, nullo mœrore compungitur: anima mea in stuporem conuersa est: insensata facta est anima mea. O lachrymae vbi vos subduxistis, vbi estis fontes lachrymarum, vbi est mœroris vnda, vbi estis lamenta? Redite obsecro, mouemini fontes lachrymarum, aspergite me fletibus, fluite super faciem meam, humectate maxillas meas, genas meas irrigate. Date mihi plañctum amarum: inter omnes enim grauius corruui, inter omnes deterius: quotidie omnium impiorum pœnas scelere meo vinco. Tartarea tormenta vix malis meis sufficiunt. Nō est peccatum super peccatum meum: non est iniquitas super iniquitatē meam: nequi-

B üij orē

orem me cunctis peccatoribus penso: comparatiōe
mea nullus iniquus est. Iustē pœnas debitæ infelicitat
is exoluo: iustē tātis supplicijs conteror: ex meo pec
cato mala mihi omnia aduenerūt: deus ista in me in
fligit iusto iudicio: rependitur factis meis congrua vi
cissitudo: minus tamen retribuitur mihi quā ipse deli
qui. Peccatorum meorum minor vicissitudo repen
ditur: plaga mea culpa mea durior inuenitur. Leui
or est peccato meo pœna damnationis meæ: graui
us est quod admisi, leuius quod tolero. Grauior est
culpa quā feci: minor vindicta quā perfero. Per
so malum quod gessi: non est tantum quod patior.
Leuior est plaga mea, pōdere peccatorum meorum.
Aliud est prorsus, aliud quod amplius me affligit: qđ
me magis contristat, quod me magis conturbat, qđ
me magis terrificat: cui simile malum nullum est: cui
incomparabilis est omnis pœna: quod omnibus sup
plicijs antefertur: quod antecellit omnia tormenta:
quod exuperat omnia mala.

R A T I O.

Heu me anima, quid est quod tam multū me
tuis, quid est quod te magis corripit, quid est
quod amplius ad mœsticiam te impellit, quod ampli
us reformidas, quod amplius metuis?

H O M O.

Metuo diem iudicij, metuo diem tenebrarū, di
em amarum, diem durum: perpendo quidē
malum quod tolero, sed amplius quod restat formi
do. Lugeo quæ in hac vita iam patior: sed post hanc
ne grauiora patiar pertimesco. Sententiam licet iam
tolerē

D I A L O G V S.

tolerem in pœnâ, tormenta tamen gehennæ formi-
 do ex culpa. Iam pœna præsens me laniat, sed futura
 magis conturbat. Grauius sunt quæ sustineo: grauior-
 ra in perpetuum timeo. De præsentibus quidem pœ-
 nis doleo, sed de futuris amplius ingemisco. Succurre
 mihi deus meus antequam moriar, antequam mors
 me preueniat, antequam me tartara rapiât, antequam
 me flamma cõburat, antequam tenebræ inuoluant.
 Subueni priusquam ad tormenta properem, priusquã
 gehennæ ignibus deiores: priusquam sine termino
 crucier. Reus enim timore iudicij tui tereor, pauore
 peccati iram tuam formido: immanitate sceleris ex-
 amen tuum turpidus conscientia metuo. Si enim iu-
 stus vix saluabitur, vbi ego impius eris? Quid faciam
 dum venerit tremendi formido iudicij? Quum exa-
 men iudicij venerit, quid respondeam? Quid ero di-
 cturus, quum ante tribunal Christi fuero præsenta-
 tus? Væ diem illum quãdo peccaui: væ diẽ illum quĩ
 transgressus sum: væ diem illum quando malum ex-
 pertus sum, Vtinam non illuxisset mihi, vtinam non
 fuisset ortus super me, vtinam non apparuisset mihi.
 O dies detestanda, o dies abominãda, o dies penitus
 non dicenda, quæ me in hoc solum protulit: quæ mi-
 hi claustra paritum aperuit: quæ ortus mei ostia repera-
 uit. Dies illa à luce in tenebras permutetur: profunda
 illam caligo confundat: æterna illam cæcitas obruat:
 amittat temporis statum: omni memoria extrinqua-
 tur: nullis digna penitus seculis memoretur. Melius
 mihi fuerat non esse ortum, melius non fuisse geni-
 tum: melius non fuisse in seculo procreatum, quàm
B v æter

eternos perpeti cruciatus. Flete me cælum & terra,
 lugeate me omnis creatura, plorate me omnia elemen-
 ta, ingemiscite super me vniuersum genus: & quo po-
 testis vitæ sensu super me lamentum effundite. Pec-
 caui enim crudeliter: lapsus sum fortiter. cecidi graui-
 ter: corruui mirabiliter. Nullum inuenitur peccatum
 cuius sordibus non sim coinquinatus: nulla sordium
 sentina extitit, quæ in me miseræ non confluxit. Pro-
 brosus, sceleratus, flagitijs cunctis obrutus, innumera-
 biliter frequentaui impudicitiam sorditatis: vnde be-
 ne viuerem vltro promisi: quod pollicitus sum nun-
 quam seruaui: semper ad peccatum meum redij: sem-
 per delicta mea iteraui: prioribus sceleribus semp de-
 teriora cõiunxi: nunquam in melius mutaui mores:
 nunquam à malis factis recessi. Orate pro me ad do-
 minum viri sancti: obsecrate pro me plebs omnis san-
 ctorum: implorate pro me omnis chorus iustorum:
 si forte misereatur mihi deus, si forte recipiat me, si for-
 te deleat peccatum meum, si forte auferat iniquitatẽ
 meam, si misericordiam præstet mihi deus. Iratus est
 enim super me nimis, compleuit furorem suũ in me,
 effudit iram indignationis suæ super me, ppter mul-
 titudinem iniquitatis meæ: quia creuerunt auersio-
 nes, quia multiplicatæ sunt præuaricationes. Væ mi-
 hi quia consumptus sum: vñ mihi quia defecit anima
 mea, afflicta mœrore, contrita luctu, extenuata gemi-
 tu. Quis miserebitur tui anima, quis consolabitur te,
 quis dabit lamentum pro te? Magna est sicut mare
 contritio tua, afflictio tua sicut pelagus sæuiens, do-
 lor tuus quasi fluctus tumens. Quæ tempestas non
 ingru

D I A L O G V S.

Ingruit super te: q̄ procellæ non acciderunt tibi? Oēs moles molestiarum, omnes turbulentissimæ tempestates super caput tuum intonuerunt: plena es fluctibus, plena es tempestatibus. Vbi es custos hominum, vbi es animarum redemptor, vbi es pastor: cur spreuisti me, cur auertisti faciem tuam à me, vt quid longe factus es à me consolator animæ meæ? Reuertere iam deus meus, non me obliuiscaris in finem, nō me in perpetuum deseras, non me perdendum in potestate demonum derelinquas. Licet offensa sint graua, tu autem clemens, tu pius, tu multæ miserationis, nullum relinquis, nullum spernis, nullum detestaris, nullum recusas à misericordia. sed vltro ferens demētiam, peccātes expectas vt redeant. Quanti enim scelerati, quanti luxurijs dediui, quanti concupiscentijs seculi saginati, bonitate tua ad indulgentiam perueniunt. Multis non morientibus peccata gratis donasti: ostende & in me clemētiam tuam: pateat & mihi venia: pateat indulgentia: non abneges vni, quod plurimis est collatum. Scelera mea non defendo, peccata mea non vindico, displicet mihi quod feci, displicet quod peccaui, errorem meum confiteor, culpam meam agnosco, vocem confessionis aperio, suscipe quesgo clamorem confitentis, attende vocem precantis, audi vocem peccatoris clamantis. Peccaui deus miserere mei, parce malis meis: ignosce peccatis meis: indulge sceleribus meis: sana animam meam, quia peccaui tibi. Si enim iniquitatum recorderis, quis sustinet? Ad examen tuum nec iustitia iusti securus est. Quis enim iustus, qui se dicere audeat si-

nq

ne peccato: Quis præsumat coram te aliquid de iustitia: Nullus enim hominum absq; peccato, nullus mundus a delicto. Ecce inter sanctos nemo immaculatus: ecce qui seruierunt ei non fuerunt stabiles; & in angelis reperta est prauitas. Astra immunda sunt coram te: celi non sunt mundi in conspectu tuo; quanto magis ego abominabilis & putredo, & filius hominis vermis. Qui auxi quasi greges peccatum; & bibi quasi aquas iniquitatem: qui commoror in puluere: qui habito in domo lutea: qui terrenum habeo fundamentum. Memento domine quæ sit mea substantia, memento quia terra sum, memento quia cinis & pulvis sum. Operi manuum tuarum porrige dexteram, consula infirmæ materiæ, succurre carnali fragilitati, patient tibi vulnera mea, coram te est ægritudo mea, tu vides quanto saucius sum & languidus, medicinam qua saner tribue, medelam qua curer impende, refice infectum vitæ, reforma corruptum peccatis, extingue in me flammam concupiscentiæ, iacula ignis diaboli me ultra non penetrent, non exardescant in me ulterius. Tu enim scis tentationes quas porto: tu scis fluctus quos patior: tu nosti tempestates quas tolero. Vbi delapsus sim, vbi defluxus sim, vbi infelix demersus sim tu scis: incurri enim negligens in ruinam: corruui incautus in turpitudinis foueam: cecidi in ceno flagitiorum: descendi in profundo malorum miser. Eijce animam meam captiuam ab inferis: erue ab immaniissima abyssu: non me concludat profundum: non mihi denegat exitum. Ecce dies metuendus iam imminet: iam dies vltima venit: instat limes vi-

D I A L O G V S,

ta: nil superest mihi præter tumulum: nil superest præter sepulchrum. Parce mihi antequam eam: munda me antequam ab hac vita egrediar: solue priusquam moriar peccatorum meorum vincula.

R. A T I O.

Commodus sum ad lachrymas tuas, ad fletus tuos compunctus sum: lamentatio tua me resoluit: lamentatio tua lachrymas mihi exegit: lamentando ad fletum me commouisti: ad lamentum tuum lachrymas fudi: ad planctum tuum lachrymis resolutus sum. Deus tibi veniam tribuat, deus culpas tuas parcendo ignoscat, peccata tua deus à te suspendat, peccata tua laxando dimittat, criminum tuorum maculas abluat, ab omni te mali labe detergat. Liberet te ab imminente peccato. Age itaque ut oportet. Age ut decet. Age ut dignum est. Age ut rectum est. ut æquum est, age ut sanctum est. Propone ulterius ut non pecces, ne ultra delinquas statuere, caue culpas tuas iterare, caue mala repetere. Vitiū ex quo te abscidisti ne reuoces, quæ dereliquisti ne iteres, transacta mala ne repetas, post lapsum denuo non delinquas, non te polluas post lamentum, post pœnitentiæ luctum non redeas ad peccatum: ne denuo committas deplorata delicta, ne rursus facias quod iterū plāgas: ne culpam pro qua veniam postulas, iterare præsumas. Inanis est pœnitentia quam culpa sequens coinquinat. Vulnus iteratū tardius sanatur. Frequenter peccans, veniam vix meretur. Nihil profunt lamente, si replicantur peccata. Nihil valet veniam à malis poscere, & mala denuo iterare. Per siste ergo in confessione,

ISIDORI

sessione, esto in poenitentia fortiter confirmatus. Vt
tam bonam quam cepisti, tenere non deseras. Pro-
positum bonæ vitæ conserua iam iugiter. Tunc eri-
perfectum opus tuum, si in finem vsq; durauerit. Sa-
lus perseverantibus promittitur: præmium per-
seuerantibus datur. Non est beatus qui
bonum inchoat: sed qui in cessabi-
liter facit. Qui enim perseue-
rauerit vsque in finem,
hic saluus erit.

ISIDORI HISPALEN. EPI-
scopi, Dialogi primi finis.



ISIDORI HI-

SPALENSIS EPISCOPI

Dialogus I l. siue Soliloquia.

Obtestatur animam Ratio vt peccata vitet, virtutesq; sectetur.

C A P. I.



VAESO TE ANIMA,
obsecro te, deprecor te, imploro te
ne quid vltra leuiter agas, ne quid
incōsulte geras, ne temere aliquid
facias, ne repetatur malum, ne re-

RATIO

nascatur peccatū, ne redeat iniquitas, ne recurrat ma-
litia, ne denuo exoriarur nequitia, ne resumat iniusti-
tia vires. Scito homo temetipsum, scito quid sis, scito
cur ortus sis, quare natus sis, in quem vsum genitus
sis, quare sis factus, qua conditione sis editus, ad quā
rē in seculo sis procreatus. Memento cōditionis tuar,
esto quōd factus es, qualem te deus fecit, qualē te fa-
ctor cōdidit, qualem te creator instituit. Serua rectā
fidem, tene synceram fidem, custodi intereratam fi-
dem, maneat in te recta fides, sit in te incorrupta con-
fessōis fides. Nulla te insipies doctrina decipiat, nul-
la religio peruersa corrūpat, nulla prauitas ā fidei so-
cietate auertat. Nihil temere de Christo loquaris, ni-
hil de deo prauum vel impium sentias, nihil peruerse
sentiendo in dilectione eius offendas. Esto in fide ius-
tus. Habeto in fide recta conuersationē sanctā. Quē
in uocas in fide, non abnegas opere. Ab om̃ibus quae
lex

ISIDORI

lex vetat. abstine, omnia quæ scriptura prohibet cane, nihil contra præceptum dei facias. Viue in bonū nullo adiuncto malo, bonos mores nulla cōuersatio praua coinquinet. Opera recta sinistra facta non maculent. Malū mixtum bonis, contaminat plurima, vñ malum multa bona perdet. Qui in vnum peccauerit scito eum omnibus vitijs subiacere. Per vnum enim peccatum multæ iustitiæ pereunt. Per vnum malum multa bona pñt subuerti. In id quo delectatur corpus, animum non declines, carnali delectationi consensum non præbeas, non des animam tuam in potestate carnis, refrena mentem ab appetitu carnis. Cor tuum quotidie discute, cor tuum quotidie examina, priuata examinatione, occultorum tuorum discute latebras. A cogitatione noxia custodi animam. Mētem tuam turpis cogitatio non subripiat. Munda conscientiam tuam à peccato. Sit animus tuus ab omni pollutione purgatus, sit mēs tua pura, nullæ ibi sordes resideant. Sic vitium à te absterge, vt nec animo quippiam apud te remaneat. Scito te & de cogitatiōibus iudicandum. Deus conscientias iudicat, deus non solū carnem sed & mētem examinat: deus iudex, & de cogitationibus iudicat animam. Quando titillat praua cogitatio, non consentias illi: quando aliquid suggerit illicitum, non ibi teneas animū. Penitentia peccati suggestionem contemne. Nō sinas eam in corde tuo manere. Quacūq; hora euenerit, expelle illam: vt apparuerit scorpio, contere eum: calca serpentis caput: calca prauæ suggestionis initium. Culpam ibi emenda vbi nascit: in ipso initio cogitationi resiste, & euades

SOLILOQVIA.

de cætera. Aduersus initiū cogitationis certa & vin-
ces: Caput cogitationis exclude, & cætera superatur.
Si spreueris cogitationem à corde, non prorumpit in
ope. Si cogitationi non cōsenseris, operi cito resistis.
Quem delectatio nō rapit, consensio sibi nō subdit.
Non enim potest corpus corrumpi, nisi prius corrup-
tus animus fuerit. Dum anima labitur, statim caro
ad peccandum parata est. Anima enim carnem præ-
cedit in crimine: nihilq; potest caro facere, nisi quod
voluerit animus. Munda enim à cogitatione animū
& caro non peccat. Si enim volueris, vinci omnino nō
poteris. Audi anima quæ loquor, ausculta quæ dico,
attende quæ moneo. Nulla iam immunditia pollua-
ris, nulla libidine maculeris. Ab omni te carnis corru-
ptela suspende. Ab omni carnis corruptiōe te extra-
he. Luxuria in te vltra non inualescat. Libido vltra te
non deuincat. Custodi à fornicatione corpus tuum,
nulla vnquam carnali contagio inquineris. A forni-
catione contaminari, deteriora peccata puta. Omni-
bus peccatis fornicatio maior est. Fornicatio vniuer-
sa añcedit mala. Melius est enim mori, q̃ libidine ma-
culari. Melius est mori q̃ libidine fornicari. Meli⁹ est
animam effundere, q̃ eam per incontinētiā perde-
re. Cōtinentia hominem deo proximum reddit: con-
tinentia hominem deo proximum facit. Vbi ista mā-
serit, ibi & deus permanet. Castitas hominē cælo iun-
git: castitas hominem cælo pertrahit. Castis cæli re-
gnum promittitur, castis hæreditatem cæli suppete-
re. Libido vero in infernum hominem mergit: libi-
do hominem ad tartarū mittit. Ad pœnas tartari ho-

C minē

minē libido perducit. Quod si adhuc carnis molestias sentis, si adhuc carnis stimulis tangeris, si adhuc libidinis suggestionē pulsaris, si animum tuum fornicationis adhuc titillat memoria, si adhuc caro impugnat, si luxuria te tentat, si adhuc libido inuitat, memoriam mortis tibi obijce, diem exitus tui tibi propone: finem vitæ tuæ ante oculos adhibe: propone tibi futurum iudiciū, propone tibi futura tormenta, propone inferorum perpetuos ignes. propone gehennæ pœnas horribiles. Ora lachrymis indefinenter, ora iugiter, precare deum diebus ac noctibus, sit sine cessatione oratio, sint orationis arma assidua. Oratio non deficiat, insiste orationi frequenter, incube orationi assidue, gerge semper & plange, surge in nocte ad precem, vigila & ora, pernocta in oratione & prece, incumbere in nocturnis vigilijs. Ad modicum clausis oculis, rursus ora. Oratio frequens diaboli iacula submouet, oratio continua tela diaboli exuperat. Hæc prima est virtus aduersus tentationū incursum, hæc prima tela aduersus hostium tentamenta. Immundos spiritus precis expellit frequentia, immunidos spiritus orationis euincit instantia, demonia oratione vincuntur, oratione dæmonia supantur. Omnibus malis præualet oratio. Adime quoque tibi saturitatem panis, parsimonia tuum corpus castiga, ieiunijs & abstinentiæ inserui, pallida ora gere, aridum porta corpus, esuri & siti, abstine & aresce. Nō potes tentationes vincere, nisi ieiunijs erudiaris. Escis enim libido crescit, ieiunijs luxuria superatur. Sequestrata saturitate, luxuria nō dominabitur. Abstinentia enim carnem superat. Abstinentia luxuriam refrenat. Libi
di-

S O L I L O Q V I A.

dinis impetum abſtinentia frāgit, libidinis virtutem
 abſtinētia ſoluit. Siti & fame, carnis luxuriam faci-
 terire, fame & ſiti, carnis laſciuiam ſupera. Vino quo-
 que multum grauatur mens: vinum vīrus eſt praua
 lens animo: vino luxuria excitatur. Vino fames libi-
 dinis enutritur. Pocula quippe, inſtrumenta luxuriæ
 ſunt. Igni enim adiecto fomite, incendium maius cre-
 ſcit. Adiecta igni materie, plus augetur flamma. Ocu-
 li quoq; prima tela libidinis. Viſio, prima cōcupiſcē-
 tia mulieris. Mēs enim per oculos capitur. Aſpectus
 namq; amoris iacula mittit: concupiſcēdo libidinem
 nutrit. Aſpectus mētē illicit, animā titillat, cor vul-
 nerat. Subtrahe igitur viſum, reprime oculos à peti-
 lantia, non eos deſigas in ſpeciem carnis. Nullam ad
 concupiſcendum aſpicias, nullam hoc animo atten-
 das vt concupiſcas. Tolle occasionem peccandi, au-
 fer materiam delinquendi. Si vis eſſe à fornicatiōe tu-
 tus, eſto corpore & viſione diſcretus. Corpore quip-
 pe ſeiunctus, à peccati intentione diſcedis. Circa ſer-
 pentem poſitus, non eris diu illæſus. Ante ignē cō-
 ſiſtens, & ſi ferreus ſis, aliquando diſſolueris: proxi-
 mus periculo, diu tutus non eris. Per aſſiduitatem ci-
 to peccat homo. Sæpe familiaritas implicauit. Sæpe
 occasio peccandi voluntatem fecit. Sæpe quos volū-
 tas non potuit, aſſiduitas ſuperauit. Otio etiam dedi-
 tos cito luxuria ſubrepi: vacantem luxuria, cito præ-
 ceptis ſuperat. Grauius libido vrit, quem otioſum in-
 uenerit. Cedit autem libido rebus, cedit operi, cedit
 indiſtriæ & labori. Libidinem quippe carnis, ſæpe la-
 bor euicit. Corpus enim labore fatigatū, minus dele-
 ſtatur flagitio. Quapropter præcaue otium, non di-

ligas otium, non ducas vitam in otio. Fatiga corpus laboribus, exerce operibus quibuscumque studium: quæ tibi opus utile, quo animi implicetur intentio. Cum opere vaca lectioni: vaca in meditatione scripturarum: vaca in lege dei. Habeto in diuinis libris frequentiam, assiduitas legendi sit tibi, sit tibi frequens lectio, sit quotidiana legis meditatio. Lectio enim docet quid caueas. Lectio ostendit quo tendas. Lectione sensus & intellectus augetur. Multum proficies quum legis: si facias tamen quod legis. Nam & si cætera bona placeant, si & alia casta sunt. Si in voluntate sunt, si in voto sunt, si in bonis cunctis animus est attentus, si in bonis cunctis animus est paratus, esto humilis: esto in humilitate fundatus: esto omnium vltimus & nouissimus. Humilitate minimum te fac: nulli te preponas: nulli te superiorem deputes. Existima omnes superiores esse tibi, quamuis summus sis. Humilitatem tene. Si humilitatem tenueris, habebis gloriam. Quanto enim humilior fueris, tanto te sequitur gloriæ altitudo.

¶ De vitanda iactantia.

C A P. I I.

CAue autem omnino iactantiam: caue ostentationis appetitum: caue gloriæ inanis studium. Non te arroges, non te iactes, non te insolenter extollas. Alas superbiæ non extendas: elationis penas non erigas. Nihil de te præsumas: nihil bonitati tuæ tribuas. De iustitiæ virtute nulla elatione superbias. De bonis factis non attollaris: de bono opere non glorie- ris. Descende ut ascendas: humiliare ut exalteris: ne exaltatus, humiliaris. Qui enim attollitur, humiliatur: qui

S O L I L O Q V I A.

qui exaltatur, deijcitur: qui eleuatur, pſternitur: qui inflatur, alliditur. De excelfo grauior caſus eſt: de alto maior ruina eſt. Superbia angelos depoſuit. Elatio excelfos deiecit. Arrogantia ſublimes humiliauit. Humilitas autē caſum nescit. Humilitas lapſum non nouit. Humilitas ruinam nūquam incurrit: nunquā lapſum paſſa eſt humilitas. Cognosce homo quia deus humilis venit, quia ſe in forma ſerui humiliauit, factus obediens vſq; ad mortem. Ambula ſicut & ille ambulauit, ſequere exemplum eius, imitare veſtigia eius. Exiſte vilis, exiſte abiectus, exiſte deſpectus, diſplice tibi, deſpectus eſt o apud temeriſum. Qui em̄ ſibi vilis eſt, ante deū magnus eſt. Qui ſibi diſplicent, deo placent. Eſto igitur paruus in oculis tuis, vt ſis magnus in oculis dei. Tanto enim eris ante deum p̄tioſior, quanto fueris ante oculos tuos deſpectior.

¶ De recordatione peccati.

C A P. I I I.

PORTA quoq; ſemp verecundia in vultu de recordatiōe delicti: porta pudorē in facie de memoria cōmiſſi peccati: peccati pudore oculos tuos attolere erubeſce. Incede abiecto vultu humiliato ore, depoſita facie. Fatifcentes artus cilicium & cinis immutet: ſqualentia & tabeſcentia membra ſaccus operiat: exhaustum corpus luctuofus habitus tegat, terra ſit tibi cubile: ſtratus, humus. Puluis es, in puluere ſede: cinis es, in cinere viue: ſemper lugens, ſemp morrens, ſemper ſuſpiria cordis emittens.

¶ De compunctione.

C A P. I I I I.

C iij Sit

ISIDORI

Si compunctio in corde: sint gemitus crebri in pectore. Frequenter oculis lachrymæ profundantur. Dilige lachrymas. Suaues tibi sint lachrymæ. Delectet te semper planctus & luctus: tanto promptus ad lamentum, quanto fuisti pronus ad culpam. Qualis tibi fuit ad peccandum intentio, talis sit ad poenitendum deuotio. Ita reuertere, sicut in profundum recesseras. Secundum morbum impertienda est medicina: iuxta vulnus adhibenda remedia. Grauius peccata, grandia lamenta desiderant. Nulla te res de peccato securum faciat. Nulla tibi securitatis deceptio blandiat: nulla securitas deceptum a poenitentia suspendat. Incessanter in corde tuo spes & formido consistant. Pariter sint in te timor atque fiducia: pariter spes & metus. Sic spera misericordiam, ut iustitiam metuas. sic te spes indulgentiæ erigat, ut metus gehennæ semper affligat.

¶ De timore.

C A P. V.

Timor enim semper emendat: timor expellit peccatum: timor reprimat vitium: timor cautum facit hominem atque sollicitum. Vbi vero timor non est, ibi dissolutio vitæ est. Vbi timor non est, ibi desperatio est. Vbi timor non est, ibi scelerum abundantia est. In infirmitatibus tuis non contristeris: in languoribus tuis gratias age deo. Valere te magis animo opta quam corpore: valere magis mente quam carne. Aduersa corporis, remedia animæ fiunt. Aegritudo carnem vulnerat, mentem curat. Languor enim vitia excoquit. Languor vires libidinis frangit. Si prosperitas adriserit, non attollaris. si aduersitas acciderit, non desiciliaris. Si felicitas eluceat, non sis iactans: si calamitas con-

tige-

SOLILOQVIA.

tigerit, pusillanimis non existas. Habeto tēperamen-
 rum in prosperis. Habeto patiētiam in aduersis. Pro-
 bari te in dolore cognosce: non frangaris. Probari te
 in prosperitate cognosce: non extollaris. Aeq̃lis esto
 in omnibus. Mentem nec gaudio nec mōrore com-
 mutes. Omnia æquali iure sustine. Ad nullam inso-
 lentiam commuteris. Null⁹ te casus imparatum in-
 ueniat: nullus sit casus quem non meditatio tua præ-
 ueniat. Propone tibi nihil esse, q̃d nō accidere possit.
 Præmeditare contra omnia futura. Futuras semper
 commentare miseras. In secundis meditare quo pa-
 cto aduersa feras: ne aliquid aduersum accadat, semp
 animo cogita. Sapientis est, periculi præuidere iactu-
 ram. Om̃ia meditata, leuiora accidunt: expectata ma-
 la tolerabiliter feruntur. Cedit aduersus casus consi-
 lio. Prospecta res, non admittatur quum acciderit.
 Aduenientes impetus meditatio frāgit. Præcogita-
 tio molestias futuras attenuat. Præuisio malorum le-
 nit aduētum: inopinatum autem malum fortiter fe-
 rit. Acerba sunt quæ cogitata non fuerint: grauiora exi-
 stūt, in quibus improuisi incurrimus. Improuisa ma-
 la grauius feruntur: repentinum malum cito frāgit.
 Quod prouisum non est, vehementer affligit. Subita
 maris tempestas, terrorem exuscitat: improuisus ho-
 stis male perturbat: imparat⁹ hostis facile opprimit.
 Om̃ia repentina, grauiora occurrunt. Et ad bona i-
 gitur & ad mala præpara cor tuum: & bona & mala
 pro ut tibi euenerint, tolera. Quodcunque euenerit,
 mente libera sustine. Si præuenerit iracundia, restrin-
 ge illam: si præoccupauerit ira, mitiga eam. Tempera

furorem: tēpera indignationem. Cohibe animi motum: refrena iracundiæ impetum. Si non potes iram vitare, vel tempera: si non potes furorem cauere, vel cohibe. Promptior esto ad suscipiendā, quā ad inferendam molestiā. Disce mala potius tolerare q̄ facere: disce mala ferre potius q̄ referre. Esto patiens, esto mitis, esto mansuetus, esto modestus, serua patientiam, serua modestiam, serua mansuetudinem, stude patientiæ, stude mansuetudini. Despice probra illarū contumeliarū: irrisorum probra despiciendo extirpa. Dissimulando, errores detrahentium calca: contumelias detrahentium patientia supera. sagittas contumeliarū, patientiæ clypeo frange. Præpara cōtra asperum verbū, tolerantiæ clypeum: contra linguę gladiū, patientiæ præbe scutum. Quamuis quisq̄ irriter, quāuis incitet, quāuis exasperet, quāuis insultet, quāuis lacescat, quāuis conuitietur, quāuis criminetur, quāuis ad litem pro uocet, quamuis ad iurgium vocet, quāuis cōuitium dicat, quāuis iniuriā faciat, quamuis afficiat contumelijs, tu sile, tu tace, tu dissimula, tu contēne, tu non loquaris, tu exerce silentium, iniuriā non respondeas, conuitium non retorqueas, contumeliā non repēdas, tene silentij patientiā, tacendo citius vinctes.

¶ De modestia & patientia.

C A P. V I.

Disce à Christo modestiam, disce tolerantiam. Christum attende, & non doles iniurias. Pro nobis nanq̄ passus, reliquit exemplum. Palmis enim percussus, flagellis cæsus, sputis derisus, clavis confixus, spinis cor onatus, cruce damnatus, semper contumuit

S O L I L O Q V I A.

gnit. Magna est virtus, si nō lædas à quo læsus es. Magna est fortitudo, si etiā læsus remittas. Magna est gloria, si cui potuisti nocere, parcas. Quando enim cōuiliaris, propter peccata tua contingit tibi. Quādo iniuriaris, mala tua id faciunt. Quicquid tibi contingit aduersi, pro tuo peccato euenire scias. Consideratione iustitiæ dolorem tempera. Leuius portabis, si pro quibus inferuntur, intenderis. Quum ergo derogatur tibi, tu ora: quum maledicitur, tu benedic. Maledicenti benedictionem oppone: irascentem patientia delini: blandimento iracundiam furentis dissolue: vince nequitia lenitate: vince bonitate malitiam. Inimicos pacis omnino de ista placa: mala aliorū tuo bono exupera. Tranquilla & iā mente illatas contumelias prode: aperi tranquillo corde dolorē iniuriæ. Vulnus quamuis graue sit, apertum euaporat. Valde autem comedit vulnus inclusum. Quanto enim magis id tegis, tanto maxime auges. Aperi hoc grato animo, & non te excruciat.

¶ De indulgentia. C A P. V I I.

SI contristaueris in aliquo fratrem, satis fac illi: si peccaueris in eum, age pœnitentiam coram illo. Si offenderis quenquam, repropitia cum prece. Perge velociter ad reconciliationem. Offensioni tuæ cito veniam postula. Non dormias, nisi reuertaris ad pacē: nec requiescas, nisi recōciliatus fueris fratri. Reuoca cum celerimo dilectionis affectu: reuoca cum humilitate ad gratiam. Humilia te illi: affectu pferne: supplici animo veniam deprecare. Petenti quoq; tibi, veniam libenter indulge: poscenti indulgentiam

C v pla-

ISIDORI

placanter dimitte. Reuertētem statim amplectere: redeuntem, confestim benigna suscipe charitate. Dimitte vt dimittatur tibi: ignosce vt ignosci tibi possit. Peccanti in te, non retribuas secundum culpā: sciens quia & in te futurū est iudiciū. Non enim habebis indulgentiam, nisi dederis. Et si ille non supplicet, si sibi dimitti non postulet, si deprecādi humilitatem non subeat, si peccatum suum mala conscientia non agnoscat, tu relaxa ex corde: tu dimitte ex animo: tu grātis indulge: tu veniam propria voluntate concede. Dolorem cordis non reserues: dolorē animi non retentes. Aufer à corde fraternam offensionem. Aliēnæ nequitiae non serues dolorem. Odium enim à regno dei hominem separat, à cælo subtrahit, à paradiso eijcit. Odium nec passione adimitur, nec martyrio expiatur, nec sanguine fuso deletur. Quid zeli referram ignem? Inuidia cuncta virtutum germina cōcremat: inuidia cuncta bona ardore pestifero deuorat: inuidia anīæ tinea sensum comedit. Pectus vrit, mentem afficit: cor hominis quasi quædam pestis depascit. Occurrat igitur contra zelum bonitas. Aduersus inuidiam charitas præparetur. De bono alterius non doleas: de alterius profectibus non tabescas. Nullius prosperitate lacereris, nulli⁹ felicitate crucieris, nullius inuidentiæ facibus agiteris. Pacem ama, pacem dilige, pacem cum omnibus retine, omnes in mansuetudine & charitate amplectere. Proba te ampli⁹ amari, q̄ ipse amaris. Non sis in pace inuidus, non sis leuis in amicitia, retine semper vinculum constantiæ, odientes ad pacem inuita, discordantes ad concordiam reuoca,

S O L I L O Q V I A.

uo ca, dissidentium corda ad pacem cōcilia. Prōptus esto in affectu, affabilis in sermone: grato animo appare ad omnes: nullus existat sermo iurgiorum, qui concordiam diuidat. Fuge rixas: vita lites: caue contentiones: tolle occasionem litis. Litem deprime: uiue semper in pace. In nulla causa contendas: in nulla actione decertare studeas.

¶ De vitanda contentione.

C A P. V I I I.

Contentio contradictionem exigit: contentio lites parit: contentio rixas gignit: contentio facces odiorum accendit. Pacem cordis cōtentio extinguit: concordiam contentio rumpit. Si ceciderit inimicus tuus, noli gratulari: in ruina aduersarij noli extolli. Non lateris super inimici interitu, ne superueniant in te similia: ne forte conuertat deus ab eo in te iram suā. Qui enim gaudet inimici casu, cito incidet in illum. Sic magis erga humiliatum humanus affectus: sit erga deiectum compassionis intuitus. Delectet te dolor super eum qui afflictus est. Condole in alienis calamitatibus: satiare fletibus in alienis mororibus. Non sis durus, non ferreus, non sint tibi dura praeordia. Sic alienam miseriam tanquam tuā luge. In tribulatione alterius, & tu esto tristis. Cū plangentibus plange: cum flētibz fle: cum lugentibz, mētis affectum coniunge.

¶ De imitandis bonorum exemplis.

C A P. I X.

In omnibus actionibz tuis, in omni opere tuo, in omni conuersatione tua, imitare bonos: emulare san

I S I D O R I

sanctos. Habeto ante oculos exempla sanctorum: exempla iustorum imitando considera. Exempla sanctorum propone tibi: sint tibi patrum exempla disciplinæ imitamenta. Intende ad bene operandum virtutes sanctorum: intende ad bene viuendum documenta iustorum. Nullum vitæ tuæ scandalizet infamia: nullum opinio contristet aduersa. Disce bono flagrare præconio: habeto testimonium bonum: custodi bonam famam tuam: nullis factoribus obscuretur: nullis laceretur obprobrijs. Laceratio enim, opinionis bonæ iacturam facit.

¶ De vitanda inani gloria.

C A P. X.

CAue autem gloriam popularem: desine te iactare in adulantium oculis. Non sis circumflatus vento fauoris: contemne fauores: contemne laudem popularis fauoris. Esse magis bonus quā videri stude. Non exquiras si quis te extollat, aut si quis contemnat. Nec fauor te seducat, nec vituperatio frangat. Qui laudem non appetit, nec contumeliam sentit. Si contemnis laudem, facile & vituperationē reiicias. Non ideo te bonum æstimes, si bonus prædiceris. In lingua aliena, cōscientiam tuam interroga. Discerne te tuo non alieno iudicio: neque ex aliorum sermone, sed ex tua te mente metire. Nemo magis scire potest qui sis sicut tu qui conscius tui es. Quid enim prædest dum malus es, si bonus prædiceris? aut quid boni laus pertinet ad rem si laudes? Quapropter vita si mulationem, vita fictionem. Obscuriori veste nō si miles sanctitatē. Qualis haberi vis, talis & esto, pro
fessus

SOLILOQUIA.

fessionem tuam, & habitu & incessu demonstra. Sit
 ingressu tuo simplicitas: in motu puritas: in gestu grā
 uitas: in incessu honestas. Nihil dedecoris, nihil lascī
 uia, nihil petulantiæ, nihil insolentiæ, nihil leuitatis in
 incessu tuo appareat. Animus enim in corporis habi
 tu apparet. Gestus corporis, signum est mentis. Cor
 poris gestu animus proditur. Incessus ergo tuus ima
 ginem leuitatis non habeat: incessus tuus, alteri^o ocu
 los non offendat. Non præbeas de te alijs spectaculū:
 non des alijs de te obtrectandi locum. Vita malos,
 caue iniq̃s, fuge improbos, sperne ignauos: fuge tur
 bas hominum, maxime eius ætatis qui ad vitia pro
 ni sunt. Bonis te coniunge: bonorū consortiū appe
 te: bonorū societatem require. Si fueris sotiū conuer
 sationis, eris & virtutis eorum. Qui cum sapientibus
 graditur, sapiens erit: qui cū stultis, stultus est. Similis
 em̃ simili coniungi solet. Periculosum est vitā cū ma
 lis ducere, periculosum est cum his qui prauæ volun
 tatis sunt, sotiari. Melius est habere malorū odium, q̃
 consortiū. Sicut multa bona habet communis vi
 ta sanctorū, sic plurima mala sotiæ affert malorū.
 Qui em̃ tetigerit immundū, coinquinabitur. Clāde
 & iā aures tuas ne audias malum. Respue sermones
 impudicos. Fuge inhonestā verba: nulla aures tuas
 sermonum impudicitia subrepat. Vanus sermo cito
 polluit mentem: & facile agitur quod libenter audi
 tur. Nihil ex ore tuo quod impedire possit procedat:
 nihil quod non expedit, sotiū vocis erumpat. Hoc
 procedat ex labijs, quod aures non polluat audiētis.
 Cauenda est verborū obscenitas: fugienda est turpi
 tudo

tudo sermonis. Sermo vanus, vanæ conscientiae index est. Mores hominis lingua pandit: & qualis sermo ostenditur, talis & animus comprobatur. Ex abundantia enim cordis, os loquitur. Ab otioso sermone compeſce linguam: caue à fabulis ineptissimis. Aniles fabulas non requiras: inania verba non garrias. Retice verbum quod non ædificat audientes: sermo otiosus non erit absque iudicio. Vnusquisque rationem redditurus est sermonum suorum. Ante vniuscuiusque faciem sua verba stabunt. Qui otiosa verba non reprimat, ad noxia cito transit. Qui minora spernit, in maximis facile proruit. Minor namque culpa, maiorem generat. Paulatim increscunt vitia: & dum parua non cauemus, in magnis prolabimur. Minima igitur vicia, & ad maiora non peruenies. Parua sperne, & in deterius non incidēs. Ea quæ loqueris, grauitate & doctrina digna existant. Sit sermo tuus irreprehensibilis: sit expectationi audientium utilis. Stude nō quod loqui libet, sed quod oportet. Discerne quid loquaris, quid taceas: & in loquendo & in tacendo peritus esto. Multum ante delibera quid dicas, ne reuocare nō possis quod dicis. Fuge casus linguæ: lingua tua non te perdat. Tolle infidiati occasionem. Non pateat inimici iaculis os tuum. Nō loquaris quod excipiat aduersarius. Amicum habeto semper silentium. Pone cudodiam ori tuo: Labijs tuis signaculum præbe. Oppone linguæ tuæ claustra silentij: circumclude linguam munitione custodiæ. Attende oportunitatem loquendi: tempus proferendi sermones inquire. Scito quo tempore loquaris: considera quādo di-

S O L I L O Q V I A.

dicas. Tempore congruo loquere: tempore congruo
 tace. Tace vsquequo interrogaris. Non loquaris nisi
 interrogatus fueris: non dicas prius quàm audias. In
 interrogatio os tuum aperiat. Sint verba tua pauca: tol
 le verbositatem sermonis superflui. Loquendi mo
 dum non excedas, ne immoderatione linguæ incur
 ras periculum. Multiloquia non effugiunt culpam:
 multiloquium non declinat peccatum. Flui⁹ exun
 dans, nō cito colligitur. Vltra modū flatus maris peri
 culum parit: Imbrium nimietas, periculū suscitāt. Lin
 guosus homo imperit⁹ est. Sapiens paucis vtitur ver
 bis. Breuem sermonem scientia facit. Multum loqui
 stultitia est. Vox enim insipientis, in multiplicatione
 sermonis. Maneat igitur in verbo mēsurā, in sermo
 ne sit statera. Semper verba tua sint moderata: mo
 dum loquendi non trāseas. Abscinde & a lingua tua
 vitium detrahentium. Alienam vitam non laceres.
 De alieno malo os tuum non coinquines. Nō detra
 has peccanti, sed condole. Quod in alio detrahis, in
 te potius pertimesce. Detractio graue vitium est. De
 tractio graue peccatum est. Detractio graue crimen
 est. Detractio grauis damnatio est. Hoc omnes rep
 hendunt. Hoc omnes vituperāt. Hoc sœdi⁹ nihil est.
 Hoc summę turpitudinis est. Canum mos est lacerā
 re: canum, linguas exercere: canū dente pestifera mor
 dere. Soli canes obtreſtare nouerunt. Qñ alijs detra
 his, te discute: quando alium mordes, tua peccata re
 dargue. Si vis detrahēre, ad tua te pētā retorque. Nō
 alterius delicta, sed propria cerne: Vitia tua, non alie
 na intende. Nunquam detrahes, si te bñ perspexeris.

De tua

De tua igitur correctione esto sollicitus: de tua salute
 & emendatione esto attentus. Detrahentes non audi-
 as: susurrantibus auditum non prebeas. Pari reatu detra-
 hentes & audientes tenentur. Vtriusque simile discrimen
 impendit, & qui detrahentem audit, & huic qui detra-
 hit. Quod ad te quodque non pertinet, noli querere: quod inter se lo-
 quuntur homines, cognoscere nunquam desideres. Noli querere
 quid quisque dicat vel faciat. Evita curiositatem: omic-
 te curam quae ad causam tuam non pertinet. Nulla
 curiositas animum tuum capiat: nulla te concupiscen-
 tia detestandae curiositatis subripiat: nec oblitus tuo-
 rum morum, alienos perquiras: tanta cura corrige
 vitia tua, quanto studio perspicias aliena. Omne quoque
 genus mendacii summo opere fuge: nec casu nec stu-
 dio loquaris falsum: nec ut praestes, mentiri studeas: nec
 qualibet fallacia vitam alicuius defendas. Caue men-
 dacium in omnibus: mendacio fides tollitur, error in-
 ducitur, veritas aboletur. Nullum iustum mendaci-
 um. Omne mendacium peccatum est. Omne quod
 a veritate discordat, iniquitas est. Leges seculi falsari-
 os damnant, mendaces puniunt, fallaces perimunt.
 Si mendacium apud homines lege damnatur, si falla-
 cia humano iudicio plectitur, si falsitas capitali poe-
 na conscribitur, quanto magis ante deum testem ver-
 borum & operum? Ante quem & de otioso verbo
 rationem unusquisque reddet: Ante quem & pro oti-
 oso sermone poenas quisque luet. Os enim quod men-
 titur, occidit animam: & perdes eos qui loquuntur
 mendacium: & testis falsus non erit impunitus. Re-
 fuge ergo fallaciam: declina mendacium: caue falsum:

nun

SOLILOQVIA.

nunquam mentiaris. Pure loquere: esto in verbo ve-
 rax. Neminem mentiendo fallas: neminem mentien-
 do in mœrorem inducas: neminem mēdacio fallen-
 re decipias. Nullum circumscribas verbis: nullum ar-
 gumentis verborum inducas. Non aliud loquaris &
 aliud facias: nō aliud dicas, & aliud animo teneas. Pre-
 be affectum sine simulatione, sine fūco exhibe boni-
 ratem. Prohibe etiam tibi iuramentum, tolle iuran-
 di vsum. Ius iurandum interdicit tibi: periculosum est
 enim iurare. Assiduitas iurandi, periurij consuetudi-
 nem facit: iurādi vsus, periurium facit. Sit in ore tuo,
 est: sit in ore tuo, non est. Veritas iuramento non in-
 diget. Fidelis sermo sacramenti retinet locum. Firma
 etiam sit sacramenti tui fides. Fac bonum quod spo-
 pondisti. Non sis in verbis facilis, & in opere diffici-
 lis. Coram deo facile aliquid nō promittas: sine con-
 sideratione virium nihil præsumas. Quod non po-
 tes facere, non pollicearis. Multū deo reus eris, si non
 reddas quod voueris. Displicet deo, qui vota sua nō
 explent. Inter infideles computantur, qui quod vo-
 uerunt, non impleuerunt. Melius est enim non pro-
 mittere, quā́m fidem promissionis non soluere. Meli-
 us est non vouere, quā́m post votum promissa non
 reddere. In malis autem promissis rescinde fidem: in-
 turpi voto muta decretum: quod incaute vouisti
 non facias. Impia est promissio quæ scelere adimple-
 tur. Verbum iniquum, nec in corde tuo dicas. Ver-
 bum malum, nec silentio abscondi putes. Omne ver-
 bum absconsum non celabitur. Pāditur enim in ma-
 nifesto, quod in occulto depromitur. Quod intus a-

gis vel dicis, palam posuim putamus. Lapidem enim quibus conscijs loquimur, non celabunt: & ipsi parietes quod audierunt, non tacebunt. Si homines tacent, iumenta loquuntur. Ita ergo peccatum declina, quasi celare non possis. Ibi peccata, ubi deum esse nescis. Nihil celatur ante deum: videt occulta, qui fecit abscondita. Diuini enim iudicij eris reus, quamuis sis humanis absconditus. Deus ubique praesens est. Spiritus eius totum implet: maiestas eius omnia penetrat elementa. Cuncta suae potentiae attingit praesentia. Extra eum locus non est. Cognitioni eius nihil occultum est: omnia secreta vis virtutis eius irrumpit. Nulla occulta sibi latere patitur: nullis obicibus ut non penetraret, impeditur. Ipse cogitationes nouit, ipse cor inspicit: quod intus agitur aut latet, ipse videt. Quod intus disponitur, ipse comprehendit: etiam quod homo in se ignorat, ille nouit. Nemo potest etiam semetipsum effugere. Et si te non damnat publica fama, condemnat tamen propria conscientia. Nulla poena grauior conscientia. Vis autem nunquam esse tristis, beati viue. Secura conscientia, tristitiam leuiter sustinet. Bona vita gaudium semper habet. Conscientia autem rei semper in poena est. Reus animus nunquam secutus est. Mens enim malae conscientiae, proprijs agitatur stimulis. Si enim in bono permanseris, tristitia elongabitur a te. Si in iustitia perseueraueris, tristitia non occurret tibi. Nec plaga nec morte terreat, si bene & pie vixeris. Consilium autem & opus tuum semper ad deum conuerte: in omni opere tuo dei auxilium posce: omnia diuinae gratiae, diuino dono ascribe. Ni-

S O L I L O Q V I A.

nihil meritis tuis attribuas: in virtute tua nihil præsumas: in audacia nihil ponas. Vis autem virtutes tuas augere? Prodere noli. Occulta virtutes pro elatione. Absconde bona facta pro arrogantia. Fuge videre, quod esse meruisti: quod manifestando potes amittere, tacendo custodi. Vitia vero cordis tui reticula. Præuas cogitationes ilico manifesta. Peccatum enim, perditum cito curatur: crimen autem tacendo amplias. Silentio culpa crescit. Si patet vitium, fit ex magno pusillum: si latet, fit ex minimo magnum. Si tegitur, maius creditur esse malum. Malum autem cauere, potius quam emendare oportet. Melius est ut vites vitium, quam ut emendes: ne forte quum incurreris, reuocare non possis. Vfus enim difficile vincitur: consuetudo vix superatur: quod inoluerit, non facile tollitur. Ancipitem diu delibera sententiam. Ante factum cogita diu. Ante opus præmeditare diu. Matura consilium, ut perficere possis quod vis. Quod vis agere, diu exquire. Diu proba & sic age: quum diu cogita ueris, tunc fac quod probaueris. Nihil ex præcipitio magnum: consilij mora melior est. In rebus autem certis, bene agendi tarditas remoueatur à te: tolle moras: in crastinum nihil differas. In bonis dilatio nocet. Id quod expedit, differre impedit. Absit in bonis remissa segnities: absit negligentia torpens. Vitium, pigritie procul sit. Vitio cito caprantur inertes: per torporem enim vires & ingenium defluit. Negligentia & torpor dissoluit animum. Natura obscuratur desidia. Desidia frigescit ingenium. Torpor enim exuperat sensum. Hebetudo, scientie lumen exstinguit: so-

lertia autem meliorem reddit. Peiorē facit negligētia sensum. Desidia obtūdit seignitiem: industria acut. Excellentior fit natura doctrina: ardentius fit ingenium subiuncto studio: tardiora enim ingenij, studiis acuumur. Torporem naturæ industria excitat: sensus tarditatem assiduitas acuit. Exercitatione proficit sensus: experientia enim plus scitur. Sæpe ex consuetudine, natura effecta est: sæpe natura consuetudine superatur. Assiduitas enim mores facit: iugis usus in naturam se vertit. Omnia vsui cedunt: vsui omnia parent. Res ita se agit, vt vsus erit. Quod cum difficultate cœperis, per vsum cum voluntate perficies. Nihil sapientia melius, nihil prudentia dulcius, nihil scientia suauius, nihil stulticia peius, nihil insipientia deterius, nihil ignauia turpius. Ignorantia mater errorum est: ignorantia vitiorum nutrix est. Peccatum magis per ignorantiam præualeat: ignorantia enim quid sit culpa dignum, non sentit. Ignorantia nec quando delinquit agnoscit. Per imperitiam namq; multi peccāt. Insipiens assidue peccat: indoctus enim facile decipitur. Stultus in vitia cito delabitur. Prudēs autem cito deprehendit insidias. Celerius errores agnoscit. Noxia non vitamus, nisi per sapientiam. Sapiens omnia prudenter examinat. Inter bonum & malum, sapiens in relligēdo diiudicat. Summum bonum est scire quid caueas. Summa miseria est nescire quo tendas. Dilige igitur sapiētiā, & manifestabitur tibi. Accede ad illam, & appropinquabit tibi. Assidens esto illi, & instruet te. Disce quod nescis, ne doctor inutilis inueniaris. Antea esto auditor: postea doctor. Per disciplinam

SOLILOQVIA.

nam nomen Magistri accipe. Bonum quod audieris dic: bonum quod didiceris doce. Discendi & docendi non contemnas studium. Scientiam quā aure concipis, ore effunde. Sapientiam cum ceteris impertis, tibi magis hanc auges. Doctrina quanto amplius data fuerit, tanto magis abundat. Sapientia dando largior fit, retinendo minoratur. Largiendo redundatior est scientia: & dū plus confert, plus abundat. Verbum tamen præcedat i opere. Quæ ore promiss, opere adimple: quæ verbis doces, exemplis ostende. Esto nō solum magister, sed & imitator virtutis. Si doces & facis, tunc gloriosus à deo eris. Non enim satis est laudare quod dicis, nisi dictis facta coniunxeris. In doctrina ipsa, ab humana laude te tempera. Sic instrue alios, vt te custodias. Sic doce, vt hūilitatis gratiam non amittas. Caue, ne dum alios docendo erigis, ipse laudis appetitu demergaris. Quum autē doces, noli verborum obscuritate vti. Dic vt intelligaris: ne simplicibus loquendo displiceas: nec prudentes offendas. Iuxta sensum audientis, erit sermo doctoris. Secundum mores est impartienda doctrina: iuxta vulnus adhibenda remedia. Variæ voluntates, diuersam disciplinam desiderant. Vnusquisq; secundum professionem suam docendus est. Inspicienda est varietas personarum: & quemadmodum erudias, tracta. Communia omnibus, secreta perfectioribus loquere. Aperta cūctis, operta paucis annuntia. Quædam enim plurimis, quædam paucis sunt differenda. In omni tempore paratus esto ad instructionem. Nullum tempus sit vacuum quo non ædifices:

D iij nul

nulla hora prætereat qua doctrinæ studium nõ con-
 feras. Verba bona aperte & constanter prædica: nec erui-
 bescas loqui quod nosti defendere. Quod deesse tibi
 scientiæ sentis, quære ab alijs. Collatione enim obte-
 cta clarescunt: conferendo, difficilia aperiuntur. Nul-
 la autem tibi sit curiositas discendi latentia. Caue in-
 dagare, quæ sunt à sensibus humanis remota. Præter-
 mitte quærere secretum, quod scripturæ autoritate
 non didicisti. Nihil ultra quàm scriptum est quæras:
 Nihil amplius perquiras, quàm diuinæ literæ prædi-
 cant. Scire non cupias, quod scire non licet. Curiosi-
 tas, præsumptio periculosa est: curiositas, dānosa pe-
 ritia est. In hæresim prouocat: in fabulas sacrilegas
 mentem præcipitat: in causis obscuris reddit auda-
 ces: in rebus ignaris facit præcipientes. In disputatione
 autem tolle certamen: tolle pertinacem vincendi de-
 fensionem. Cede cito veritati. Non contradicas iusti-
 tiæ: non contendas euacuare quod rectum est. Di-
 sputare stude, non superare. Plus dilige audire quàm
 dicere: pl^o auscultare quàm loqui. In principio audi:
 loquere nouissimus. Finis plus habet honoris. In o-
 mni re finis attenditur: extrema quæruntur. Melior
 est finis quàm principium: melior nouissimus sermo
 quàm primus. Venerare autem omnes scientiæ meli-
 oris ac vitæ: venerare vnumquemq; pro suo merito
 sanctitatis. Poriori gradu competentem reuerentiā
 tribue. Iuxta dignitatem redde vnicuique honorem.
 Superiori æqualem te non exhibeas. Senioribus præ-
 sta obedientiam: familiare imperijs eorum. Autorita-
 ti cede: obsequere voluntati: defer obsequia iusta ma-
 iori

S O L I L O Q V I A.

iotibus. Obedi cunctis in bonis præceptis. Ita autem
 obtempera homini, vt voluntatē dei non offendas.
 Malum facere iussus non acquiescas: malum iussus fa-
 cere non consentias. Noli in malum potestati cuiq̃
 consentire etiam si pœna compellat: si supplicia im-
 mineant: si tormenta occurrant. Melius est mortem
 pati, quàm pernitiōsa iussa complere. Melius est ab
 homine iugulari, quàm damnari æterno iudicio. Nō
 solum factores, sed & conscios, peccato teneri obno-
 xios. Neq̃ enim est immunis ab scelere, qui vt fieret
 obediuit. Similis est qui obtemperat in malum, ei q̃
 agit malum. Facientem & obsequentem, par pœna
 constringit. A subditis venerari magis q̃ timeri stu-
 de. Subiecti plus te reuerentur q̃ metuant. Plus tibi
 officio dilectionis q̃ conditionis necessitate deserui-
 ant. Talem te redde subditis, vt magis ament q̃ time-
 aris. Ex reuerētia enim amor procedit: odium timor
 affert: fidem metus tollit: affectus restituit. Timor
 non seruat diuturnam fidem, Vbi timor est, audacia
 sequitur. Vbi metus est, desperatio occurrit. Quapro-
 pter tempera austeritatem. Summa bonitate subdi-
 tos rege, & non sis terribilis in subiectos. Sic eis domi-
 nare, vt tibi delectentur seruire. Et in disciplina & in
 modestia modum serua. Nec nimium, nec parum in-
 dulgeas: nec modicum nec satis ignoscas. Tene mo-
 dum in omni opere: in omnibus retine temperamen-
 tum. Nihil intemperatius agas. Ne minus, ne nemiū
 aliquid: ne vltra quam oportet, ne infra. Etiam in bo-
 nis immoderatum esse non decet. Omnia medio-
 cra vtilia: omnia in suo modo perfecta. Quæ cū tem-

perantia fiunt, salubria sunt. Bona autem, immoderato usu noxia efficiuntur. Nimietas enim omnis, in vitio deputatur. Temperare cuncta prudens est: ne de bono fiat malum. Perspice quoque quid cui aptum sit tempore: quid, ubi, quando, qualiter, quam diu facere debeas. Causas rerum & temporum regulas inspice: singulorum operum discretiones agnosce. Diligenter distingue omnia quæ agis: qualiter bonum incipias vel peragas scito. In omni actione tene discretionem. In nulla re indiscretus appareas. Serui vnicuique virtuti congrue in tempore suo. Cum bene distinxeris opus tuum, optime iustus eris. Quicquid bonum cum discretionem feceris, virtus est: quicquid sine discretionem gesseris, vitium est. Virtus sine discretionem, vitij obtinet locum. Virtus enim indiscreta, pro vitio deputatur. Multa sunt consuetudine vitiata: multa pravo usu præsumpta: multa contra pudicos mores illicite usurpata. Adime consuetudinem, serua legem. Vfus auctoritati cedit: prauum usum lex & ratio vincat. Quod tibi fieri vis, fac alteri: quod vis ut faciat alius tibi, hoc & tu facito illi. Talis esto alijs, quales optas esse circa te alios. Testimonio tuo nulli noccas, ad nullius periculum vocem testificationis adhibeas. Sermo tuus nec animæ tuiusquam, nec rebus impediatur. Quod non vis pati, non facias: quod non vis fieri tibi, alteri nunquam inferas. Non inferas alij mala, ne patiaris similia. In te serua modestiam, in alijs serua iustitiam. Tene iuris æquitatem: sequere veritatem iudiciorum. Nullum contra veritatem defendas dum iudicas. Nulli personæ affectu deslektaris à vero, pauper an diues sit.

Cau

S O L I L O Q V I A.

Causam perspice non personam. In omnibus veritatem custodi. Nulla ambitione vel pretio mouearis. Munera enim semper prauaricant. Cito violatur auro iustitia, cito corrumpitur munere. De iusto iudicio temporalia lucra non appetas: pro iustitia nullum seculi premium queras. Iustitiam pro sola aeterna remuneratione distribue. Qui enim pretia dona affectat, futuram gloriam non sperat. Qui bona hic recipit, ulterius quod expectet premium non habet. In iudicio autem nunquam sine misericordia sedeas. Custodi discretionem iustitiae: noli plus iustus esse quam iustum est. Omne enim quod nimis est, vitium est. Impia iustitia est, fragilitati humanae non ignoscere. Non igitur ames damnare, sed emendare potius & corrigere. Teneriorem in discussione iustitiae: misericordiam in definitione sententiae. Iudicij examen sequatur pietas. Distinctionis censum, temper indulgentiam. Ita clemens esto in alienis delictis, sicut in tuis: nec quemquam districtius quam te iudices: nec aliter te nec aliter alios perseques. Sic alios iudica, ut ipse iudicari cupis. Dum enim indulges in alieno delicto, & tibi misereris. Quo enim iure in alium sita tueris, eo iure teneberis. Qua lege, poena, conditione quempiam iudicaueris, eadem ipse iudicandus es. Lex tua te constringit. Iudicium quod alijs imponis, ipse portabis. In eo quod iudicas, condemnandus es. In quo mensura mensus fueris, remeietur tibi & adijcietur. Omnia primum quare, ut cum iustitia definias. Nullum condempnes ante iudicium: nullum iudices suspitionis arbitrio. Ante proba & sic iudica. Non enim qui ac-

spicione quempiam iudicare. In ambiguis iudicare,
 dei serua sententiam. Quod nosti tuo, quod nescis, di-
 uino committe iudicio. Non enim potest condēna-
 ri humano examine, quem deus suo iudicio reserua-
 uit. Interea non iudicamus, quousque veniat domi-
 nus qui latentia producer in lucem: qui illuminabit
 abdita tenebrarum: qui manifestabit consilia cordium.
 Quamuis enim vera sint, credēda nou sunt, nisi quæ
 certis iudicijs comprobātur: nisi quæ manifesto ex-
 amine conuincuntur: nisi quæ ordine iudiciario pu-
 blicantur. In summo honore, summa tibi sit humili-
 ras. Quāuis summ⁹ sis, humilitatem tene. Quamuis
 sublimis potestatis, in te celsitudinem reprime. Nō te
 extollat honor. Preside humilis culmen sublimitatis:
 tanto maiore humilitate conspicuus, quanto magis
 dignitate prælatus. Impositas quoque tibi curas, humi-
 liter exple: traditum ministerium mente libera susci-
 pe. Esto obediens diuinæ dispensationi: volūtati ei⁹
 contrariē non audeas. Iura potestatis adeptæ, mode-
 ranter exerce: potestatis iura accepta, ordinato animo
 administra. Omnia non turbulento, sed tranquillo
 corde dispone. Caue honores, quos tenere sine cul-
 pa non potes. Sublimitas honoris, magnitudo scelestæ
 est. In maiore gradu maior est sine dubio & pœna.
 Qui minor est, veniæ proxim⁹ est. Potētes autē poten-
 ter tormenta patientur. Iudicium enim durissimum
 in his qui præsumunt, fiet. Cui multum datur, multū ab
 eo quiritur. Cui plus committitur, plus ab eo exigitur.
 Honores quoque cū periculose geruntur, cito pericli-
 tatur præas: cito ruinā patitur. Quanto enim maior ho-

nor

S O L I L O Q V I A.

nor, tanto maiora pericula. Alta arbor, ventis forti⁹ agitatur. Excelsæ turres, grauiore casu ꝑcumbūt. Altissimi mōtes, crebris fulgoribus feriuntur. In potēte cito cadet inuidia: cito patet insidijs gloriosus. Gloria em̄ inuidiā parit: inuidia vero pericula. Quamuis quisq; in seculi gloria fulgear, quāuis purpura auroq; resplendeat, quis cultu pretioso redimitus emineat, quis sit multitudine præmunitus, quis excubantium armis protectus, quis innumeris obsequentium cuneis constipat⁹, quis agminibus tut⁹, semper tamen in pœna est: semper ī angustia: semper in mœrore: semper in discrimine est. In sericis stratis cubat, sed turbidus: in pluma iacet, sed pallid⁹: in lectis aurcis, sed turbatus. Breuis est huius mūdi felicitas: modica est huius seculi gloria: caduca est & fragilis temporalis potentia. Dic vbi sunt reges, vbi principes, vbi imperatores, vbi locupletes rerum, vbi potētes seculi, vbi diuites mundi: Quasi vmbra transierunt: velut somnium euauerunt. Quærantur & nō sunt. Diuitiæ vsq; ad periculum ducunt: diuitiæ vsq; ad exitium pertrahunt. Multi propter opes periclitauerunt: multi propter diuitias in discrimen venerunt. Multis exitiales fuerunt diuitiæ: multis mortem generauerunt opes. Nunquam mentis requiem habet, qui curis terrenis se subdit. Sollicitudines enim rerum, mentem conturbant. Curæ regū mentem exagitant. Potentia sollicitudinis, nunquam caret angustijs. Si ergo vis esse quietus, nihil seculi appetas. Semper requiem mentis ha-

traxeris. Diuitiæ nunquam sine peccato acquiruntur. Nullus res terrenas sine peccato administrat. Valde rarum est, vt qui diuitias possident, ad requieta tendant. Qui curis terrenis se implicat à dei amore se separant. Qui in rerum amore defigitur, in deo nullatenus delectatur. Curæ enim rerum, ab intentione dei auertunt. Nemo potest amplexari dei gloriam simul & seculi: nemo potest amplecti Christum simul & seculum. Difficile est cælestibus & terrenis curis pariter inseruire. Difficile est deum simul & mundum diligere. Vtræque simul æqualiter amari non possunt. Propter deum ergo renuntia omnibus: à secularibus curis te propter deum suspende. Sine impedimento seculi, deo deservire stude. Nulla te cura à dei amore subtrahat: nulla te sollicitudo rerum, ab intentione dei suspendat. Abijce à te quicquid impedire bonum propositum potest. Esto mortuus mundo, & mundus tibi. Mundi gloriam tanquam mortuū non aspicias: tanquam mortuus ab affectu vitæ istius te separa. Sicut sepultus non habeas curam de seculo: tanquam defunctus ab omni terreno te priua negotio. Contemne viuēs quæ post mortem habere non potes. Quod habes, hoc habeto ad misericordiam: suffragetur virtus tua egeni inopiam. Si quem possum in necessitate cognoueris, si quē ad inopiam redactum, si quem direptione alicuius exinanitum, si quem oppressum, si quem humiliatum, nullum contempnas: nullum despicias: vacuum nullum dimittas. Nullus à te tristis abeat: nemo à te confusus abscedat. Omnibus communica: omnibus tribue: omnibus præbe. Nō eligas
cui

S O L I L O Q V I A.

Quā miserearis, ne forte prætereas eū qui meretur ac-
 cipere. Incertus es pro quo magis placeas deo: nescis
 pro quo tibi maior fructus iustitiæ præparetur. Quic-
 quid tribuis, cum affectu distribue: quicquid largiris
 cum humilitate largire. Præbe misericordiā sine mi-
 nere: præbe eleemosynam sine tædio. Maior sit bene-
 uolentia, quam quod datur: maior gratia quā quod
 impenditur. Tale erit opus tuum, qualis fuerit inten-
 tio tua. Quod enim affectu bono dispensatur, hoc ac-
 cipit deus. Qui autem cum tædio dat, mercedem per-
 dit. Qui cum tristitia manum porrigit, fructū remu-
 nationis amittit. Nō est enim misericordia, vbi nō
 est beneuolentia. De tuis iustis laborib⁹ ministra pau-
 peribus. Non auferas alteri, vnde alij tribuas: nec te
 misericordem ostendas, alieno de spolio. Nihil profi-
 cit, si alterū inde reficis, vnde alium inanem facis. Cō-
 demnat miseratio ista, nō propitiatur. Talis misERICOR-
 dia, peccata non purgat, sed ampliat. Bonum quod
 facis, misericordiæ causa, non iactantiæ facito. Nihil
 studeas propter laudem: nihil propter temporalem
 opinionem: nihil propter famam: sed propter vitam
 æternam. Quicquid agis, pro futura age mercede.
 Aeternæ remunerationis expectatio te teneat am-
 plius: nec quod ad hui⁹, sed quod ad vitæ æternæ glō-
 riā prosit. Si hic laus quæritur, illic remuneratio amit-
 titur. Iusti enim mercedem non hic, sed in futuro reci-
 piunt. Futura merces, non præsens promittitur ius-
 tis. In cælo non in terra, merces promittitur sanctis.
 Non est expectandum, quod alibi detur. Ecce accipi

ignorantia à peccato excludat: non es iam vitæ nesci-
us: non es imprudens aut ignarus. Legem quam de-
beas sequi, disposui. Cognitionem mandatorum ha-
bes: iam scis quid sit recte viuere. Vide ne ultra offen-
das: vide ne deinceps bonum quod nosti despicias.
Vide ne quod legendo respicis, viuendo cõtemnas.
Donum sciẽtię acceptum, retine. Imple opere, quod
didicisti præceptione.

H O M O.

GRATIAS ago, gratias refero, gratiarum actio-
nes rependo, gratiarũ actiones persoluo. Ago
atq; habeo vberem gratiam. Quantas valeo, gratias
celebro: quantas pro viribus possum gratias ago.
Multa sunt à te mihi concessa: multa collata: multa
miseratione speciali largita. Omnia mihi placent: o-
mnia mihi grata sunt: omnia infederunt animo: oĩa
mihi blandiuntur: oĩa me delectant: omnia me lini-
unt. Quam iugiter satisfactionem persoluam? quam
remunerationem rependā? Quid competere pos-
sim donis tuis, nisi vt tuis præceptis vtar, tibi semper
obtemperem, tibi paream, tibi iubenti obediam. Tu
es enim dux vitæ meæ: tu magister virtutis: tu es qui
tãquam regula in directum ducis: qui à recto nun-
quam discedis: qui à recto nunquam auerteris. In-
uentrix bonorum: magistra morum: indagatrix vir-
tutum: sine qua nihil vita hominis nosse potest. Per
te cunãtis viuendi regula datur. Per te vitæ probita-
tẽ, ad meliorem vitam homines adducuntur. Præ-
ceptis tuis formantur animi. Si quid distortum est,

tu corrigis: si quid corrigendum est, tu emendas. Ni-
hil mihi te charius: nihil mihi te dulcius: tu mi-
hi supra vitam meam places in secula
seculorum, A M E N.

F I N I S.

¶ E R R A T A.

Linea 2. Epistolæ dedicatoriæ lege, ordinantiq.
In Epitaphio car. 7. lege verendū pro ferendum.
Item car. vltimo si libet lege, satiata pro sotiata.
B 5. fa. i. lin. 8. lege, tenebræ pro tenebris.
C 1. lin. vlt. lege, ad tartarum pro ad terram.
C 2. fa. i. lin. 8. lege, materie pro materiæ. Et linea
26. lege, subrepat pro subripit.
C. 5. fa. i. lin. 12. lege, nequitiam pro nequitia.

¶ Claruit autem Isidorus hic sub Heraclonē
imperatore filio Heraclij. Anno. DC XXX.
temporibus Sisebuti regis Gothorum in Hispa-
nia, & ob sanctissimam vitam & conuersationē
suam catalogo sanctorum insertus est, cuius fe-
stum celebratur 18. Calen. Februa.



Superbis deus resistit, humilibus autem dat gratiam.



Parcere subiectis & debellare superbos.

